

CONCELLO
DE VIGO



COMPETICIÓN

“VIGO EN XOGO”

2017 - 2018

ORGANIZA



NORMAS XERAIS
REGULAMENTO



COMPETICIÓN\$ DEPORTIVAS E RECREATIVAS NON FEDERADAS

VIGO,
terreo de xogo

Vivimos nunha cidade fermosa



Competición

Vigo en Xogo

2017 - 2018

COMPETICIÓNS DEPORTIVAS E RECREATIVAS
NON FEDERADAS

BALONCESTO

FÚTBOL SALA

FÚTBOL 7

ÍNDICE

1 NORMAS XERAIS

- 1.1 Introducción
- 1.2 Regulamentación
- 1.3 Condicións de participación
- 1.4 Preinscrición e inscrición
- 1.5 Idades permitidas
- 1.6 Notificacións, taboleiro de anuncios é paxina web

2 NORMAS TÉCNICAS ESPECÍFICAS

- 2.1 Delegado e responsable do equipo
- 2.2 Funcións e obrigas dos responsables dos equipos e dos delegados no encontro
- 2.3 Xogadores
- 2.4 Xogadores federados
- 2.5 Adornos, lentes e aparellos
- 2.6 Vestimenta
- 2.7 Licenzas
- 2.8 Revisión das licenzas
- 2.9 Puntualidade
- 2.10 Balóns
- 2.11 Bancos
- 2.13 Actas
- 2.14 Cambio de nome do equipo
- 2.15 Campos de Fútbol 7 e pavillóns

3 DESENVOLVEMENTO DA COMPETICIÓN

4 SISTEMA DA COMPETICIÓN

5 ENCONTROS

- 5.1 Duración dos encontros

6 ASCENSOS E DESCENSOS

7 GALARDONS

8 XIV CAMPIONATO DE ESPAÑA DE FÚTBOL 7

9 PETICIÓNs DE DATAS, HORARIOS OU APRAZAMENTOS

10 REGULAMENTACIÓN DOS DEPORTES

11 NORMAS XERAIS DAS FALTAS

- 11.1 Características xerais
- 11.2 Especificación das faltas
- 11.3 Tipos de sancións

12 SANCIÓNs XERAIS

13 SANCIÓNs AO RESPONSABLE E AO DELEGADO NO ENCONTRO

14 SANCIÓNs POR ALIÑACIÓN DE FEDERADOS

15 SANCIÓNs POR ALIÑACIÓN OU CONSTAR NA ACTA, DOS SANCIONADOS CUN MAXIMO DE TRES ENCONTROS

16 SANCIÓNs POR CARTÓNs

17 SANCIÓNs POR ACUMULACIÓN DE CARTÓNs

18 EXPULSIÓNs POR ACUMULACIÓN DE CARTÓNs

19 EXPULSIÓNs DO EQUIPO

20 SUSPENSIÓNs E AS SUAS SANCIÓNs

21 NON PRESENTACIÓN

22 SANCIÓNs POR NON PRESENTACIÓN

23 BAIXAS DE EQUIPOS POR RETIRADA OU EXPULSIÓN

24 REGULAMENTO XERAL DAS SANCIÓNs

25 ACLARACIÓNs E RECLAMACIÓNs ANTE O COMITÉ DE COMPETICIÓN

26 RECURSOS

27 PERMUTA DAS SANCIÓNs

28 SANCIÓNs ECONOMICAS

29 PAGAMENTO DAS SANCIÓNs

30 FIANZAS

31 COMITÉ DE COMPETICIÓN

32 COMITÉ DE APELACIÓN

33 ÁRBITROS

- 33.1 Obrigas dos árbitros
- 33.2 Regulamentación
- 33.3 Anexos

34 INCOMPARECENCIA ARBITRAL

35 PROCEDEMENTO A SEGUIR POLO ÁRBITRO EN CASO DE LESIÓNs

36 SEGURO DOS ACCIDENTES DEPORTIVOS

- 36.1 Asegurados
- 36.2 Cobertura e riscos cubertos
- 36.3 Riscos excluídos

37 PROTOCOLO DE ACTUACIÓNs EN CASO DE LESIÓNs

38 USO INDEBIDO DA ASISTENCIA MEDICO SANITARIA E DA AMBULANCIA

39 POLIZA DE RESPONSABILIDADE CIVIL

40 DISPOSICIÓN DERRADEIRA

AVISO

MOI IMPORTANTE

Esta é unha competición amateur e creouse para que o pasedes ben xogando. A Organización pídevos que non fagades entradas duras, xa que por dita causa un xogador pode quedar incapacitado de por vida ou perder mobilidade, e por causa da súa baixa, perder o seu posto de traballo.

1 NORMAS XERAIS

1.1 INTRODUCCIÓN

Esta competición **DEPORTIVA RECREATIVA NON FEDERADA** para o fomento e a práctica do deporte afeccionado nace dunha idea do **Concello Vigo** e da **Agrupación Deportiva Vigo** no ano 1992, coñecéndose hoxe en día como **“Vigo en Xogo”**.

Dende o ano 2006 a **Agrupación Deportiva Vigo** é membro da **Asociación Nacional de Fútbol 7 non federado**.

1.2 REGULAMENTACIÓN

a) A regulamentación que rexe esta competición é a presente normativa. A Organización, o Comité de Competición e o Comité de Apelación velarán polo seu cumprimento, podendo actuar de oficio en toda momento e lugar para esclarecer ou sancionar calquera feito producido no transcurso da competición e sen suxeición de prazo.

b) A inscrición nesta competición conleva a aceptación polos participantes das Normas Xerais e disposicións recollidas no presente Regulamento, así como daquelas outras que a Organización poida aprobar ao longo da tempada (artigo 40).

c) O regulamento técnico aplicado a cada deporte é o marcado pola federación deportiva correspondente; enténdéndose por regulamento técnico aquel que especifica e regula as causas propias do xogo, coa salvidade das normas específicas que se indican na presente normativa e do regulamento de xogo desta competición, as cales prevalecerán sobre o regulamento de calquera federación.

d) A potestade disciplinaria da **Agrupación Deportiva Vigo** exercida pola Organización, polo Comité de Competición e polo Comité de Apelación esténdese sobre: todas as persoas que estean dentro da súa estrutura orgánica, os clubs deportivos, os equipos e os seus delegados, os xogadores, os xuíces árbitros, os oficiais de mesa e, en xeral, a todas aquelas persoas que estean vinculadas de forma directa ou indirecta en todas as actividades organizadas pola **Agrupación Deportiva Vigo**.

1.3 CONDICIÓN DE PARTICIPACIÓN

a) Nesta **competición Recreativa Non Federada** poderán participar todas as asociacións, clubs, entidades e persoas que o desexen de forma colectiva, sempre que se inscriban nos prazos establecidos e o permitan as posibilidades da Organización.

b) Para adquirir a condición de participante deberán cumprirse todos os requisitos esixidos pola Organización.

c) Cando un equipo se **retire** ou sexa **expulsado** da competición nesta tempada ou nalguna das anteriores e deixe algunha débeda pendente debido a non querer facerse cargo de actos vandálicos (**artigo 2, apartado 2.15 c**), ou por outras causas, se os integrantes do mesmo desexan volver a participar na competición, terán que pagar a parte proporcional que lles corresponda unha vez cumprida a súa sanción.

Se un xogador deixa de pagar a franquicia do Seguro, 50.-€ a tera que aboar o seu equipo.

1.4 PREINSCRICIÓN E INSCRICIÓN

a) A preinscrición e a inscrición terán que facelas a persoa responsable do equipo. Todos os equipos terán que facer a preinscrición e presentar a súa documentación nos prazos e formas establecidos pola Organización.

b) Despois de facer a preinscrición da reserva de praza e de ter abonada a fianza, se o equipo causa baixa por calquera causa, non terá dereito á devolución desta.

c) No caso de falseamento nos datos da preinscrición, da inscrición, das licenzas ou de calquera outro documento relacionado coa competición, serán responsables da súa veracidade tanto a persoa responsable do equipo como os xogadores que consten en dita documentación.

d) **A inscrición nesta competición outórgalle aos participantes os seguintes dereitos e deberes: pagamento dos gastos xerais da Organización, colaboradores, arbitraxes e alugueiro de instalacións; información periódica sobre o desenvolvemento da competición e cobertura de atención médica polas lesións que poidan sufrir os xogadores durante os encontros (segundo as condicións específicas da póliza do seguro de accidentes).**

1.5 IDADES PERMITIDAS

a) Cando se inscriban, os participantes terán que ser maiores de idade. Excepcionalmente permitirase a incorporación dun máximo de dous xogadores menores de idade por equipo cunha idade mínima de 16 anos. Neste caso o pai/nai/titor legal terá que cubrir unha autorización no impreso oficial que lle facilitará esta agrupación e acompañala cunha **fotocopia compulsada** do seu DNI. O impreso terá que ser asinado tamén pola persoa responsable do equipo.

b) Nas **Divisións de Honra** (reservada para maiores de 30 anos) poderán participar **un máximo de tres xogadores por equipo que teñan 28 ou 29 anos.**

1.6 NOTIFICACIÓNS, TABOLEIRO DE ANUNCIOS E PÁXINA WEB

a) Todas as semanas poderán consultarse as resolucións do Comité de Competición e do Comité de Apelación tanto nos taboleiros de anuncios da Organización, sitios no Instituto Municipal dos Deportes (IMD), como na páxina web, **www.vide.es** correspondente á Fundación Vigo en Deporte (**VIDE**).

b) **A Organización non avisará aos equipos que teñan xogadores sancionados por acumulación de tarxetas.** Só se avisará por vía telefónica a aqueles participantes que sexan sancionados pola Organización ou polo Comité de Apelación.

c) As únicas programacións válidas serán as que se expoñan nos taboleiros de anuncios situados nas cristaleiras do (**IMD**) e na paxina web (**www.vide.es**), onde tamén se exporán as resolucións do Comité de Competición e do Comité de Apelación.

d) Na páxina **web** estarán ademais dispoñibles as Normas Xerais e Regulamento da tempada, os regulamentos resumidos dos deportes, calendarios, clasificacións, resolucións dos comités, avisos, relación de colaboradores e fotos do acto de clausura da competición.

2 NORMAS TÉCNICAS ESPECÍFICAS

2.1 DELEGADOS E RESPONSABLE DO EQUIPO

a) Cada equipo poderá ter un **máximo de tres delegados e de dezaseis xogadores por tempada**, pero **só un deles exercerá as funcións de responsable do equipo**. Unha vez cuberta a folia de inscrición co nome do responsable, o equipo que desexe cambialo terá que notificalo por escrito á Organización. Dito escrito terá que ser asinado polo anterior responsable do equipo, achegándose tamén fotocopia do seu carné de identidade. No caso de non ser así, o escrito terá que ser asinado polo 90 % dos compoñentes do equipo.

b) **O responsable do equipo é a única persoa que legalmente representa ao equipo** ante a Organización, cos dereitos e obrigas que tal representación lle outorga. **No caso de que o responsable do equipo cause baixa, o equipo terá que nomear outro responsable no prazo máximo de sete días.**

d) **O responsable do equipo ou o delegado no encontro serán as únicas a persoas autorizadas** para dirixirse á Organización, ao Comité de Competición ou ao Comité de Apelación, para presentarllas suxestións, aclaracións ou reclamacións e para interpor recursos na defensa dos intereses do seu equipo.

2.2 FUNCIÓNS E OBRIGAS DOS RESPONSABLES DOS EQUIPOS E DOS DELEGADOS NO ENCONTRO

a) O responsable do equipo terá que tramitar a inscrición e dilixenciar as licenzas ante a Organización, velando pola veracidade dos datos contidos nelas e porque estas se axusten ás normas e ao regulamento da competición.

b) Pola súa especial responsabilidade, os responsables de equipo e os delegados **deberán dar exemplo ante os seus xogadores e acompañantes e serán os responsables de todos eles**. Ademais **terán que velar porque todos cumpran as normas establecidas** respecto ás instalacións e aos comportamentos antideportivos, co fin de que impere a boa orde. Desenrolarán esta labor antes, durante e despois do encontro, tanto no campo de xogo como fóra del. Para elo colaborarán co árbitro, co oficial da mesa, cos responsables das instalacións e cos membros da Organización ou dos Comités cando estes llo requiran.

c) **Os delegados non poderán xogar e só poderán ter licenza para unha modalidade deportiva.**

d) Calquera xogador do equipo poderá exercer as funcións de delegado no encontro, tendo que poñelo en coñecemento do árbitro para que o reflecta na acta. No caso de ser **expulsado** ou sufrir unha **lesión** que lle obrigue a acudir ao centro médico concertado mentres se estea disputando o encontro, o seu equipo terá que nomear a outro.

e) Entre **5 e 10 minutos antes do comezo do encontro** o delegado terá que presentarlle ao árbitro **as licenzas únicamente dos xogadores que estean presentes**, identificándoos co seu número de dorsal. Unha vez cuberta a acta con estes datos, terá que asinala, certificando coa súa sinatura que os xogadores están presentes na instalación deportiva. No caso de que o delegado chegue tarde (minutos de cortesía), terá que asinar a acta no descanso ou á finalización do encontro.

f) **O delegados no encontro de cada equipo terá que presentarlle ao árbitro antes do comezo do mesmo un balón oficial** en boas condicións e que reúna as características aprobadas pola Organización.

g) O delegado no encontro comunicará ao árbitro calquera lesión dalgún dos seus xogadores para que este o reflecta na acta; e, **únicamente en caso de urxencia vital ou extrema urgencia**, será o responsable de chamar a ambulancia concertada polo contrato.

O **delegado** no encontro e o **responsable** do equipo velarán por:

1) Que os xogadores do seu equipo se estan na grada e os acompañantes dos xogadores garden o debido respecto, a actuación do árbitro, así como a todos os xogadores do encontro.

2) Que os xogadores do seu equipo e os acompañantes dos xogadores cumpran as normas establecidas respecto ao uso e conservación das instalacións deportivas.

3) Que nos campos de fútbol 7, pavillóns, bancos e vestiarios os seus xogadores ou os acompañantes dos xogadores **non fumen**, consuman **bebidas alcohólicas**, coman **pipas** ou outros produtos secos que teñan casca.

4) Que os xogadores do seu equipo xoguen debidamente uniformados e non porten **xoias** ou **adornos** non permitidos. En fútbol sala e fútbol 7 asegurárase tamén de que os xogadores contén con **proteccións das canelas**.

5) Que os xogadores que non estean xogando estean sentados no banco e debidamente uniformados.

6) Que non estea no banco ou arredor do mesmo ningún integrante do equipo que non conste na acta, que fora expulsado do encontro, que estea cumprindo unha sanción ou que se atope de baixa polo seguro deportivo, así como calquera outra persoa que non pertenza ao equipo.

7) Que, mentres estean xogando un encontro, os seus xogadores non quezan con balón polas bandas, nin entre os terreos de xogo de fútbol 7 ou dentro do pavillón.

8) Que, mentres estea xogándose un encontro, nin os acompañantes dos xogadores nin os seus nenos estean entre os terreos de xogo de fútbol 7.

9) **O delegado no encontro e o responsable do equipo poderán ser sancionados polo incumprimento das súas obrigas dende amoestación ata expulsión por ata cinco tempadas (artigo 13).**

2.4 XOGADORES

a) Os xogadores só poderán inscribirse nun máximo de dous deportes diferentes, sendo estes: baloncesto e fútbol sala ou baloncesto e fútbol 7. No caso de inscribirse en dous deportes, deberán ter licenza e seguro deportivo para cada un deles.

b) Non se poderá cambiar de equipo dentro dunha mesma modalidade deportiva na mesma tempada se non se cumpre o establecido no seguinte apartado.

c) Permítese o cambio de modalidade deportiva unicamente se o xogador non xogara ningún encontro. No caso de tratarse dun delegado o que desexa cambiar de modalidade deportiva, será necesario que non conste en ningunha acta. En ambos casos o responsable do equipo terá que asinar unha autorización e presentala ante a Organización para que o xogador ou delegado sexa desvinculado do equipo.

d) **Todos os xogadores de fútbol sala e fútbol 7 terán que usar obrigatoriamente protectores das canelas**, os cales deberán estar totalmente cubertos polas medias e ser dun material apropiado (goma, plástico, poliuretano ou outro material similar).

e) Está **terminantemente prohibido** o uso de **tacos metálicos**, e támen de **multitacos** no fútbol sala e baloncesto.

2.5 XOGADORES FEDERADOS

Respecto aos **xogadores federados**, estean ou non en activo:

a) Un xogador federado en **baloncesto ou voleibol** non poderá participar na competición de **baloncesto**.

b) Un xogador federado en **balonmán, fútbol sala, fútbol 7 ou fútbol 11** non poderá participar nas competicións de **fútbol sala** ou de **fútbol 7**.

NOTA: Este apartado 1.6, non será aplicable aos equipos que xogaron na liga da Agrupación de Veteranos de Vigo e a súa bisbarra, e que nesta tempada van a xogar na liga de Veteranos da Federación Galega de Fútbol.

2.6 ADORNOS, LENTES E APARELLOS

a) Os xogadores non deberán utilizar no seu equipamento ningún obxeto que poida ser perigoso para el ou para outro xogador (adornos de calquer clase, xoias, cremalleiras, pendentes, dilatacións, etc, etc...

Os aneis, os pendentes, o coiro ou as gomas non son necesarios para xogar e o único que poden é causar unha lesión.

b) Non está permitido xogar con xoias, nin sequera cubríndoas, por exemplo, cun esparadrapo. Toda xoia é potencialmente perigosa; tapar as xoias e os adornos non constitúe unha protección axeitada.

c) O termo “**perigoso**” pode a veces ser ambiguo ou polémico. Polo tanto, para actuar dunha forma uniforme e consistente, calquera tipo de xoia ou adorno, agás o establecido no **apartado d**, estará totalmente **prohibido** para **xogadores e árbitros**.

O árbitro non deixará xogar a que non cumpra esta norma.

d) **Só se permitirá levar pulseiras que non sexan metálicas ou de coiro duro e que non leven ningún aparello metálico. As pulseiras terán que estar totalmente cubertas (muñiqueira, esparadrapo, venda elástica...) durante todo o encontro)**

O árbitro poderá levar os aparellos necesarios para exercer a súa labor.

e), O xogador que teña que xogar con lentes ou calquera aparello dental farao **baixo a súa enteira responsabilidade**, tendo que avisar ao árbitro para que reflecta na acta do encontro o seu nome, apelidos e número de licenza. O xogador terá que asinar a acta.

2.7 VESTIMENTA

a) Os equipos usarán a roupa deportiva descrita na folia de inscrición. Será obrigatorio saír ao terreo de xogo debidamente uniformados, usando todos os xogadores pantalóns e camisetas iguais e da mesma cor. Nas costas figurará un número distinto para cada xogador perfectamente visible e adherido de tal xeito que non poida modificarse no transcurso do encontro. As vestimentas non poderán conter partes perigosas coma por exemplo, cremalleiras.

b) Os porteiros deberán empregar vestimentas con cores que os distingan dos xogadores e do árbitro. En fútbol sala, se coincide a cor das camisetas dos dous porteiros e ningún deles ten outra camiseta con cor diferente para cambiala, o árbitro permitira que xogen con elas.

c) Os xogadores non poderán mostrar camisetas interiores con publicidade e, en fútbol sala e fútbol 7, deberán de ter manga. O equipamento básico obrigatorio non deberá ter mensaxes políticos, relixiosos ou persoais.

d) De usar roupa interior debaixo da camiseta, terá que ser da mesma cor que a camiseta. De usarse pantalóns térmicos, tamén terán que ser da mesma cor que o pantalón.

e) Cando a cor das camisetas dos equipos sexan iguais, terá que cambialas obrigatoriamente o equipo visitante.

f) A vestimenta non adecuada será sancionada segundo o **artigo 28**.

En todos os deportes é obrigatorio que, ao saír ao terreo de xogo, os xogadores leven a camiseta por dentro do pantalón.

2.8 LICENZAS

a) As licenzas deberán cubrirse en todos os seus apartados: nome, apelidos, número de DNI (incluíndo a letra) e número do dorsal.

b) Terán validez por unha tempada e poderán ser renovadas nas seguintes.

c) O **primeiro prazo** para presentar novas licenzas **rematará o mércores anterior á 4ª xornada** da competición.

d) O **segundo prazo** para presentar novas licenzas **comezará o luns posterior á 15ª xornada e rematará o mércores anterior á 18ª xornada**.

Os días da semana para presentar licenzas serán de luns a mércores.

e) Permitirase a non presentación da/s licenza/s sen que conleve sanción **unha soa vez**. De darse este caso quen faga de delegado no encontro lle terá que presentar ao árbitro o DNI, pasaporte ou carné de conducir orixinal do/s delegado/s ou do/s xogador/es.

2.9 REVISIÓN DAS LICENZAS

a) Os xuíces árbitros ou os membros da Organización, do Comité de Competición e do Comité de Apelación poderán revisar as licenzas antes do encontro, no descanso ou despois do remate do encontro.

b) A negativa por parte dalgún equipo a someterse a dita revisión ou a ausencia dalgún dos xogadores ou delegados no momento de levala a cabo será reflectida na acta do encontro ou nun informe aparte e considerase **aliñación indebida (artigo 19)**.

c) Durante a revisión das licenzas, no caso de dúbidas sobre a identificación dalgún xogador ou delegado, este terá que presentar o seu DNI, pasaporte ou carné de conducir orixinal con foto para a súa identificación. No caso de non presentar ningunha documentación, o equipo será **expulsado** da competición por **aliñación indebida**.

2.10 PUNTUALIDADE

Co fin de comezar o encontro no horario establecido pola Organización os equipos teñen a obriga de presentarse 10 minutos antes do comezo do encontro.

Establécense unicamente **5 minutos** de cortesía a partir da hora prefixada para o comezo do encontro. Unha vez pasado dito tempo o árbitro pechara a acta e reflectirá nela os equipos que non estean presentes.

Permitirase **unha** única vez, sen que conleve sanción, que un equipo se presente tarde a xogar. En caso de repetirse este feito, se lle aplicara o **artigo 13, apartado 9**.

2.11 BALÓNS

Antes do comezo do encontro, cada equipo terá a **obriga** de presentar ao árbitro un **balón** regulamentario oficial en boas condicións e que reúna as características aprobadas pola Organización. No caso de non presentar balón ou que este non sexa válido, o equipo será sancionado segundo o **artigo 28**.

2.12 BANCOS

a) Durante o desenvolvemento do encontro unicamente poderán estar nos bancos os participantes que consten na acta. Non poderán estar no banco os acompañantes, os xogadores que estean de **baixa** polo seguro deportivo, nin os **sancionados**. Os xogadores que estean no banco terán que estar debidamente uniformados.

b) Os participantes expulsados do encontro con dous cartóns amarelos, cartón azul, vermello ou tarxeta descualificante ou técnicas ou antideportivas non poderán permanecer no banco nin nos arredores.

c) Nos bancos, os xogadores que non xoguen e os delegados, terán que **permanecer sentados**.

2.13 ACTAS

a) O máximo de xogadores que poden constar na acta e xogar é de **16 por equipo**.

Cando nas actas non apareza o número da licenza e as siglas do delegado ou dun xogador, é que está sancionado ou está de baixa por lesión.

b) Se o delegado no encontro lle entrega ao árbitro a licenza ou outro documento de identificación de algun integrante do equipo que esté **sancionado** ou de **baixa** polo **seguro deportivo** e o árbitro o reflicte na acta, aplicaráselle o **artigo 15** ou o **artigo 19**, segundo o caso.

Calquera incumprimento do disposto neste artigo 2, deberá ser reflectido polo árbitro na acta do encontro ou nun anexo para os efectos disciplinarios previstos neste regulamento.

2.14 CAMBIO DE NOME DO EQUIPO

Unha vez comezada a competición non se poderá cambiar o nome do equipo

2.15 CAMPOS DE FÚTBOL 7 E PAVILLÓNS

a) Está terminantemente **prohibido, fumar**, consumir **bebidas alcohólicas**, comer **pipas** ou outros produtos secos que teñan casca nos campos de fútbol 7, pavillóns, bancos e vestiarios. O delegado no encontro e todos os compoñentes do equipo serán os responsables dos seus acompañantes, os cales tamén estarán suxeitos a cumprir esta norma.

b) Os participantes e os seus acompañantes estarán obrigados a cumprir as normas de uso e conservación das instalacións deportivas, sendo responsables dos danos derivados de calquera tipo de conduta violenta ou antideportiva causados nelas, ou nas persoas, bens ou propiedades dos outros participantes, dos membros da Organización, do persoal das instalacións ou dos xuíces árbitros.

c) No caso de producirse algún acto vandálico que cause algún deterioro nas instalacións e non se poida determinar quen foi o culpable, faranse responsables a todos os equipos que xogasen ata o momento de ter coñecemento de ditos danos. Estes equipos terán que facerse cargo de todos os gastos necesarios para reparar os danos causados.

d) **No caso de que algún equipo non se queira facer cargo dos gastos** orixinados e queira seguir participando na competición, unha vez cumpridas as sancións impostas, terá que cumprir o establecido no **artigo 1, apartado 1.3 c**.

e) Nos terreos de xogo está terminantemente **prohibido** que estean os **acompañantes** mentres se estea disputando un encontro.

f) **Nos campos de fútbol 7 próximos entre si, non se pode quecer con balón entre eles nin polas bandas dos mesmos. Tampouco se poderá facer nos pavillóns mentres se estea disputando un encontro.**

g) Dende a finalización do último encontro, as duchas só poden estar abertas un máximo de **15-20** minutos.

h) **Nin a Organización, nin a compañía aseguradora dos accidentes deportivos, nin os responsables das instalacións deportivas se farán cargo de ningún dano que poidan sufrir os acompañantes dos xogadores ou os seus nenos por estar nos bancos ou no terreo de xogo. Os responsables das instalacións e a Organización tampouco se farán cargo dos furtos que poidan ter lugar nos pavillóns, campos de fútbol, vestiarios, bancos ou terreos de xogo.**

3 DESENVOLVEMENTO DA COMPETICIÓN

a) A competición levarase a cabo en pavillóns, campos municipais e nas instalacións que alugue a Organización.

b) En xeral os encontros terán lugar nas fins de semana, ben sexa o sábado ou o domingo, coas programacións seguintes

BALONCESTO	sábados de 15:00 a 21:00 domingos. de 8:30 a 21:00
FÚTBOL SALA E FÚTBOL 7	sábados de 15:00 a 21:00 domingos. de 9:00 a 21:00

c) En casos excepcionais ou por necesidades organizativas poderase variar esta norma, tendo que xorgarse os venres ou sábados pola noite ou noutros horarios ou días da semana.

4 SISTEMA DA COMPETICIÓN

BALONCESTO

A liga desenvolverase a dobre volta. En caso necesario disputaranse ata dúas xornadas na mesma fin de semana.

Na **primeira división** unha vez rematada a liga, os **5** primeiros equipos clasificados, xogan un Play Off a **doble volta** para os títulos, e os **5** restantes polo descenso.

Na **segunda e terceira división**, unha vez rematada a liga os primeiros **4** equipos clasificados xogan un Play Off, a **triple volta** para os títulos, e os **5** restantes xogaran a **doble volta** polo descenso.

Unha vez rematados os Play Off, xógase un Trofeo de Copa nas seguintes xornadas:

Xornada **29 (12 previas)** Xornada **30 (Oitavos e Cuartos)**.

As Semifinais e Finais de Copa, se xogan o día da Clausura.

FÚTBOL SALA

A liga desenvolverase a dobre volta. En caso necesario disputaranse ata dúas xornadas na mesma fin de semana.

Os equipos campións das **tres divisións** xogaran polo Trofeo do Torneo de Campións no día da Clausura.

FÚTBOL 7

A liga desenvolverase a dobre volta. En caso necesario disputaranse ata dúas xornadas na mesma fin de semana.

División de Honra: Unha vez rematada a liga, xógase o Trofeo de Copa nas seguintes xornadas:

Xornada **27 (8 previas)**. Xornada **28 (16 avos)** Xornada **29 (oitavos)** Xornada **30 (cuartos)**

Primeira e segunda divisións de Senior: Unha vez rematada a liga, xógase o Trofeo de Copa nas seguintes xornadas:

Xornada **28 (6 previas)**. Xornada **29 (16 avos)** Xornada **30 (oitavos e cuartos)**.

Na **terceira división** unha vez rematada a liga, os **6** primeiros equipos clasificados, xogan un Play Off a **unha volta** polos títulos, e os **6** restantes polos postos.

Unha vez rematado o Play Off, xógase o Trofeo de Copa nas seguintes xornadas:

Xornada **28 (6 previas)**. Xornada **29 (16 avos)** Xornada **30 (oitavos e cuartos)**.

Todas as Semifinais e Finais de Copa se xogan o día da Clausura

5 ENCONTROS

a) Para dar comezo ao encontro terán que atoparse no terreo de xogo **cinco xogadores por equipo en baloncesto e fútbol sala e seis por equipo en fútbol 7**.

b) O encontro rematará cando por calquera feito a un dos equipos lle quede no terreo de xogo: **un xogador en baloncesto, tres en fútbol sala e catro en fútbol 7. De darse este caso e ir o equipo con ese número de xogadores empatado ou gañando, daráselle o encontro por perdido por 2 a 0 en baloncesto e por 1 a 0 en fútbol sala e fútbol 7. De ir perdendo, o resultado será o que reflicta o marcador nese momento**.

c) Se un xogador chega antes do comezo do segundo tempo, poderá participar no encontro. O delegado do seu equipo entregarálle no descanso a licenza correspondente ao árbitro para que a reflicta na acta. De non facelo, considerarase **aliñación indebida, artigo 19**.

5.1 DURACIÓN DOS ENCONTROS

Baloncesto:

a) Os partidos disputaranse a dous tempos de **25 minutos** cada un a reloxo corrido, con **5 minutos** de descanso entre eles, excepto os derradeiros **3 minutos** do segundo tempo, que serán a reloxo parado. **No caso de que cando resten 3 minutos para finalizar o encontro algún dos equipos vaia gañando por 15 puntos ou máis, o tempo restante disputarase a reloxo corrido**. Nas prórrogas os **dous** derradeiros minutos serán a reloxo parado.

b) En tódolos encontros disputados a continuación dun encontro no que se xogara unha prórroga, o árbitro, de acordo cos delegados dos equipos, poderá modificar a duración do encontro e/ou do descanso para poder cumprir o horario previsto.

Fútbol Sala e Fútbol 7:

c) Os partidos disputaranse a dous tempos de **25 minutos** cada un a reloxo corrido, con **5 minutos** de descanso entre eles.

Se por causas de forza maior ou debido aos 5 minutos de cortesía un encontro comezase retrasado respecto ao horario previsto, o tempo de retraso no comezo descontarase do tempo total de duración do mesmo.

6 ASCENSOS E DESCENSOS

Competición	Categoría	Ascensos	Descensos
BALONCESTO	1ª división	-	3
	2ª división	3	3
	3ª división	3	-
FÚTBOL 7 Divisións de Honra	1ª división	-	3
	2ª división	3	3
	3ª división	3	-
FÚTBOL 7	1ª división	-	3
	2ª división	3	3
	3ª división	3	
FÚTBOL SALA	1ª división	-	3
	2ª división	3	3
	3ª división	3	

Unha vez rematada a competición a Organización poderá modificar o número de ascensos e descensos contemplados neste artigo co fin de equilibrar o número de equipos participantes nas distintas categorías da vindeira tempada.

De cara á vindeira tempada, no caso de ampliación do número de equipos dunha división ou de terse que cubrir algunha praza vacante por renuncia dalgún equipo, as prazas libres serán cubertas en primeiro lugar cos equipos que descendan na presente tempada.

7 GALARDONS

Entregaranse galardóns aos seguintes equipos:

CAMPIÓN DA DEPORTIVIDADE de cada división.	Trofeo.
CAMPIÓN DE CAMPIÓNS DA DEPORTIVIDADE de cada modalidade deportiva.	Trofeo. Vale polo 50% da inscrición para a seguinte tempada. Trofeo recordo a cada integrante do equipo que estea presente na Clausura.
CAMPIÓN DE CADA DIVISIÓN DE BALONCESTO	Trofeo.
SUBCAMPIÓN DE CADA DIVISIÓN DE BALONCESTO	Trofeo
CAMPIÓN DE CADA DIVISIÓN DE FÚTBOL SALA E FÚTBOL 7	Trofeo.
SUBCAMPIÓN DE CADA DIVISIÓN DE FÚTBOL SALA E FÚTBOL 7	Trofeo.
MÁXIMO ANOTADOR DE CADA DIVISIÓN DE BALONCESTO	Trofeo.
MENOS ANOTADO DE CADA DIVISIÓN DE BALONCESTO	Trofeo.
MÁXIMO GOLEADOR DE CADA DIVISIÓN DE FÚTBOL SALA.	Trofeo.
MENOS GOLEADO DE CADA DIVISIÓN DE FÚTBOL SALA	Trofeo.
MÁXIMO GOLEADOR DE CADA DIVISIÓN DE FÚTBOL 7.	Trofeo.
MENOS GOLEADO DE CADA DIVISIÓN DE FÚTBOL 7.	Trofeo.
CAMPIÓN DE COPA.	Trofeo.
SUBCAMPIÓN DE COPA.	Trofeo.
CAMPIÓNS DO TORNEO DE CAMPIÓNS.	Trofeo.
SUBCAMPIÓNS DO TORNEO DE CAMPIÓNS.	Trofeo.

O nome dos 3 equipos **CAMPIÓNS DE CAMPIÓNS DA DEPORTIVIDADE** darase a coñecer durante a cerimonia da clausura.

Se durante a cerimonia de clausura non está presente ningún xogador do equipo merecedor dun galardón, considerarase que dito equipo renuncia ao mesmo.

8 XIV CAMPIONATO DE ESPAÑA DE FÚTBOL 7

Como nas anteriores tempadas a organización fará unha selección con xogadores das diferentes categorías para participar neste Campionato. Todos os compoñentes da selección, terán que achegar unha pequena cota para os gastos xerais que xenera o dito Campionato.

9 PETICIÓNS DE DATAS, HORARIOS OU APRAZAMENTOS

Polos perxucios que ocasionan á Organización, para que o Comité de Competición autorice as peticións de cambio de horario ou o de aprazamento dun encontro, estas terán que ser por un feito excepcional e causa de forza maior debidamente xustificada e moi importante.

1) Unicamente a persoa responsable do equipo ou o delegado poderán solicitar o cambio de **horario** ou **aprazamento** dun encontro. Dita petición farase na folla de solicitude que facilitará a Organización, cubríndose todos os seus apartados e sendo asinada polo solicitante.

2) En caso de solicitarse un cambio de horario dun encontro, a solicitude deberá ser entregada antes das **20:30 h do luns inmediatamente anterior á data do encontro.**

3) En caso de solicitarse o aprazamento dun encontro, a solicitude deberá ser entregada antes das **20:30 h do luns** e sempre cun mínimo de **15 días** de antelación respecto á data do encontro.

4) Cada equipo terá dereito a un máximo de **tres cambios de horario** e **dous aprazamentos** ao longo de toda a tempada.

5) Cando resten **catro** xornadas ou menos para o remate da tempada non se concederá ningún cambio de **horario** nin ningún **aprazamento**. O equipo que non se presente a un encontro será sancionado segundo o **artigo 22**.

10 REGULAMENTACIÓN DOS DEPORTES

En Baloncesto e Fútbol Sala xogarase segundo as regras de xogo das Federacións Galegas correspondentes. En Fútbol 7 xogarase segundo as regras elaboradas pola **Asociación Nacional de Fútbol 7** e a **Agrupación Deportiva Vigo**, coa salvidade das normas reflectidas neste **artigo** e no **artigo 5**.

NOTA: As regulamentacións poden consultarse na páxina web **www.vide.es** da Fundación Vigo en Deporte (**VIDE**).

BALONCESTO

a) O xogador será expulsado do terreo de xogo polo seguinte:

Por técnica descualificante.

Cando teña unha técnica e unha antideportiva.

b) Ao comezo do encontro, no caso de non estar presente o oficial de mesa, o equipo que actúe como local terá que poñer a disposición do árbitro a unha persoa cualificada para exercer dita función. No caso de que a persoa designada se trate dun xogador, este poderá exercer dita función nun dos periodos do encontro ou nos dous. Este xogador non poderá xogar mentres exerza coma oficial de mesa.

c) No caso de que un equipo quede con **catro** xogadores no terreo de xogo por causa de **expulsións por persoais**, o xogador que estivera exercendo coma oficial de mesa poderá entrar a xogar en lugar dun dos xogadores expulsados. No caso de que o xogador que estivera exercendo coma oficial de mesa entre a xogar incumprindo esta norma, considerarase **aliñación indebida**.

d) Non poderá exercer coma oficial de mesa ningún integrante do equipo que fora **sancionado** no encontro con tarxeta descualificante ou fora sancionado polo Comité de Competición, polo Comité de Apelación ou pola Organización. Tampouco poderá exercer dita función ningún xogador que se atope de baixa polo seguro deportivo.

e) O xogador que exerza coma oficial de mesa terá que lle presentar a súa licenza ao árbitro do encontro. No caso de tratarse dunha persoa que non pertenza ao equipo terá que identificarse ao árbitro do encontro co seu DNI.

f) A persoa que exerza de oficial de mesa non poderá facerlle ningún comentario de carácter técnico ao árbitro. O árbitro poderá ordenar substituílo cando considere que está interferindo no seu labor.

FÚTBOL SALA

a) Cada equipo ocupará sempre o banco correspondente á súa zona e de defensa, tendo por tanto que intercambiarse os bancos durante o descanso.

b) Cada equipo terá dereito a un tempo morto dun minuto en cada período do xogo. Un tempo morto só se concederá se o equipo que o solicita está na posesión do balón. Cando resten **4 minutos ou menos** para o descanso ou a para terminación do encontro non se concederán tempos mortos.

c) Se un xogador se cambia polo porteiro, terá que levar o número de dorsal que tiña como xogador.

d) Non será válido o gol obtido directamente mediante saque de centro do campo.

Gol marcado en situación irregular

Se despois de anotarse un gol o árbitro decátase de que o equipo que anotou o gol estaba xogando nese momento con 6 xogadores ou fixo un cambio irregular, aplicarase unha das seguintes regras:

a) Se o árbitro se decatou da irregularidade antes do saque de centro do campo debido ao gol, anulará o gol e mostraralle cartón amarelo ao xogador infractor. O xogo continuará con tiro libre indirecto por parte do equipo que recibiu o gol anulado dende calquera parte da súa área de penalti.

b) Se o árbitro se decatou da irregularidade con posterioridade ao saque de centro do campo debido ao gol, o árbitro dará validez ao gol e amosará tarxeta amarela ao infractor.

Faltas sancionadas con tiro libre indirecto

Sancionarase con tiro libre indirecto a favor do equipo non infractor se:

1) O porteiro xoga o balón máis de **4 segundos** no seu propio medio campo.

2) O porteiro ou un xogador tardan máis de **4 segundos** en sacar de meta, en sacar de banda ou en executar unha falta.

3) O porteiro, tras xogar ou tocar o balón no seu propio campo despois dun pase dun compañeiro, sen que o balón saise xogado ou tocado polo adversario e dentro do seu medio campo: Agas o rexeitamento do porteiro despois dun tiro libre do contrario.

4) Se un xogador lle cede o balón ao seu porteiro e este toca o mesmo con unha ou as dúas mans na súa propia área de penalti. Se o porteiro comete esta infracción fóra da súa área de penalti, a xogada sancionarase cun tiro libre directo.

Faltas sancionadas con tiro libre directo

a) Se ao executarse un tiro libre directo despois da sexta falta acumulable, este foi lanzado por outro xogador distinto ao que previamente llo comunicou ao árbitro, o árbitro parará o xogo e amosará ao lanzador por conduta antideportiva. O xogo renaudarase con tiro libre indirecto a favor do equipo contrario dende o mesmo punto onde ía ser efectuado o tiro libre directo.

b) Cando se execute un tiro libre directo os xogadores do equipo contrario terán que estar situados coma mínimo a **5 metros** do balón.

c) Se ao executar un tiro libre con dereito a formación de barreira algún xogador adversario se atopa máis cerca do balón que a distancia regulamentada, o árbitro amosará ao xogador infractor e ordeará repetir o tiro libre, salvo cando se poida aplicar a lei da vantaxe ou se cometa outra infracción sancionable con tiro libre ou penalti.

O saque de banda

a) Para executar un saque de banda o balón terá que estar inmóbil sobre a liña de banda ou ben por fóra desta a unha distancia dela non maior de **25 cm**.

b) Se ao executar un saque de banda os xogadores do equipo contrario non se atopan á distancia regulamentaria, o árbitro amosará ao xogador infractor e ordeará repetir o saque de banda, salvo cando se poida aplicar a lei da vantaxe ou se comete unha infracción sancionable con tiro libre ou penalti pola parte do equipo defensor.

O saque de esquina

a) Se o saque de esquina non se executa en menos de **4 segundos** desde a colocación do balón, concederáse saque de meta ao equipo contrario.

b) Se no momento de executarse un saque de esquina algún xogador do equipo contrario se atopa a unha distancia menor da regulamentaria, o árbitro amosará ao xogador infractor e ordeará repetir o saque de esquina, salvo cando se poida aplicar a lei da vantaxe ou se cometa unha falta sancionable con tiro libre ou penalti.

Ausencia de barreira de protección tras a sexta falta de equipo

Se un equipo leva cometidas 6 ou máis faltas, non poderá formar barreira de protección.

Para a execución do tiro libre correspondente seguiranse as seguintes directrices:

a) No momento de executarse o lanzamento da falta o porteiro do equipo contrario deberá atoparse na súa área de penalti e a un mínimo de **5 metros** de distancia do balón.

b) Todos os xogadores, excepto o xogador que executa a falta e o porteiro do equipo contrario, terán que situarse detrás dunha liña imaxinaria paralela á liña de meta, trazada **5 metros** por detrás do balón e sempre fóra da área de penalti. Ningún xogador poderá obstaculizar ao xogador que executa o tiro libre.

c) Ningún xogador poderá traspasar a dita liña imaxinaria ata que o balón sexa posto en xogo.

FÚTBOL 7

a) Xogarase sen a norma do fora de xogo.

b) Hai **3 cartóns**: amarelo, azul (expulsión con cambio) e vermello (expulsión sen cambio).

c) Serán válidos os goles conseguidos directamente dende saque de centro e os conseguidos directamente dende saque de portería.

d) Unha vez o porteiro toca o balón dentro da súa área coa man / cos brazos, non poderá saír da área xogando o balón. Si poderá saír da área xogando o balón se únicamente o tocou con algunha outra parte do corpo, sendo considerado como un xogador de campo máis ata que retorne á súa área.

e) O porteiro **NON** poderá recoller ou tocar coa man o balón cedido por algún dos seus compañeiros de equipo con algunha parte do corpo inferior á cintura, nin sequera se este procede dun saque de banda.

No caso de reiteración nas cesións por parte dalgún xogador, este será sancionado con cartón amarelo.

f) A menos que o árbitro indique o contrario ou se solicite barreira, para executarse un saque de falta non se requirirá que o árbitro pite, sempre o cando o balón estea parado e se atope no lugar correcto.

g) Se durante o lanzamento dun tiro libre un xogador contrario se coloca a **menos de 3 metros** do balón interrompendo intencionadamente o normal desenvolvemento do xogo, será amosado con cartón amarelo. Se o lanzador do tiro libre busca deliberadamente provocar o cartón lanzando o balón ao contrario, o lanzador do tiro libre será sancionado con cartón amarelo.

h) No caso de producirse unha falta dentro da área (xogo perigoso, cesión, retención, etc), excepto se se trata dun penalti, o balón porase en xogo dende a liña frontal da área no lugar máis preto ao que se cometeu a falta. A barreira situarase a **7 metros do balón**.

11 NORMAS XERAIS DAS FALTAS

11.1. CARACTERÍSTICAS XERAIS

O ámbito destas normas/regulamento esténdese a infraccións do regulamento e ás formas de conduta antideportiva durante o desenvolvemento da competición “**Vigo en Xogo**”. Os participantes poderán ser sancionados en todo evento, sexa de carácter deportivo ou non, que organice a **Agrupación Deportiva Vigo** cando o seu comportamento non sexa o correcto ou vaia en contra das normas establecidas no presente regulamento.

11.2. ESPECIFICACIÓNS DAS FALTAS

As faltas consideraranse entre un dos seguintes graos: leve, grave ou moi grave.

Na gradación das faltas teranse en conta as circunstancias atenuantes ou agravantes que puidesen concorrer nestas.

1 Serán **circunstancias atenuantes**:

- a) Aceptar inmediatamente a sanción que o árbitro impuxo.
- b) Que o infractor amose arrepentimento de forma ostensible e inmediata á acción da falta.
- c) No caso de sancións colectivas, non amosar solidariedade cos infractores.
- d) Non ter sido sancionado anteriormente.

2 Serán **circunstancias agravantes**:

- a) Non acatar de forma inmediata a decisión do árbitro.
- b) Provocar, con faltas, graves anomalías no desenvolvemento do encontro.
- c) Provocar o apoio tumultuoso ou violento doutras persoas.
- d) Ser reincidente.

11.3. TIPOS DE SANCIÓN

As sancións terán carácter preventivo, educativo e correctivo con fin de axudar ao fomento e ao desenvolvemento das condutas e do espírito deportivo e de xogo limpo que deben rexer nesta competición.

Os tipos de sanción tipificaranse en: **amoestacións, suspensións e expulsións**.

12 SANCIÓN

Consideraranse feitos sancionables os seguintes:

1) O uso indebido da Asistencia Medico Sanitaria para atender unha lesión non acaecida nesta competición “**Vigo en Xogo**”. Conlevará **expulsión** de **dúas** a **catro** tempadas.

2) Que por medio oral en calquera lugar ou acto notorio ou público, ou de modo escrito en calquera medio de difusión público ou privado, sen fundamento nin razón e actuando de mala fe, se desprestixie, menoscabe ou atente contra a dignidade da Organización, dos membros desta, dos árbitros ou dos colaboradores. Conlevará suspensión dende un mínimo de **catro** encontros ata **expulsión** por **catro** tempadas.

3) Cando un equipo campión de grupo teña que xogar o **Torneo de Campións** non se pode presentar a xogar e non pone este feito en coñecemento da Organización antes do **xoves** inmediatamente anterior á celebración deste torneo. O equipo será **expulsado** da competición e todos os seus compoñentes non poderán participar na seguinte tempada. No caso de non terse presentando por causa de forza maior debidamente xustificada, o Comité de Competición será quen resolva dita incomparecencia.

4) Cando un equipo que estea a xogar o **Torneo de Campións** se retira do mesmo sen unha causa de forza maior debidamente xustificada. O equipo será **expulsado** e todos os seus compoñentes poderán ser sancionados con non poder participar na seguinte tempada.

5) Cando o responsable dun equipo se comprometa a que o seu equipo represente á Organización de “**Vigo en Xogo**” en calquera competición allea a esta e o equipo non se presente ou o se retire antes do remate desa competición sen unha causa de forza maior debidamente xustificada. O equipo será expulsado da competición “**Vigo en Xogo**” e todos os integrantes do mesmo serán sancionados con non participar na seguinte tempada.

6) A **presentación de documentación falsa**. O responsable do equipo e o participante que conste en dita documentación serán **expulsados de unha a tres tempadas**.

7) Deixar **pendente de aboar algunha débeda coa Organización**. O responsable do equipo será **expulsado** por **dúas** tempadas e o resto dos compoñentes do equipo dende **unha a dúas** tempadas. Para volver a participar terán que cumprir o establecido no **artigo 1, apartado 1.3 c**.

8) O uso incorrecto das instalacións deportivas ou do seu mobiliario, non cumprindo as súas normas de uso propias ou as deste regulamento. O infractor será suspendido dende un mínimo de **tres** encontros ata **expulsión** por **catro** tempadas. Segundo a gravidade dos feitos tamén **poderán ser suspendidos ou expulsados todos os compoñentes** do equipo polo mesmo tempo.

9) **Fumar**, consumir **bebidas alcohólicas** ou comer **pipas** ou outros produtos secos que teñan casca nos campos de fútbol 7, pavillóns, bancos ou vestiarios. Conlevará suspensión dende un mínimo de **catro** encontros ata **expulsión** por **tres** tempadas. Tamén poderán ser **expulsados** todos os compoñentes do equipo polo mesmo tempo.

10) O uso indebido das actas, licenzas ou outros documentos da Organización. Conlevará suspensión de **tres a cinco** encontros. No caso de ser un acompañante do equipo o culpable, a sanción recaerá sobre o delegado do encontro.

11) Retrasar intencionadamente o comezo de calquera das partes do encontro. Conlevará suspensión de **dous a seis** encontros.

12) O uso de **tacos metálicos** ou de **multitacos** no Baloncesto ou Fútbol Sala. Conlevará **expulsión** do xogador e do delegado no encontro de **dúas a catro** tempadas.

13) Xogar estando de **baixa polo seguro deportivo**. Conlevará **expulsión** de **dúas a tres** tempadas. Tamén serán sancionados o delegado no encontro e o equipo segundo o **artigo 13, apartado 13**.

14) Xogar sen protector das canelas en fútbol sala ou fútbol 7. Conlevará suspensión por **tres** encontros e, no caso de resultar lesionado por non ter usado as proteccións, **expulsión** por ata **dúas** tempadas. Tamén será sancionado o delegado no encontro segundo o **artigo 13, apartado 15**.

15) Xogar con **xoias** ou **adornos** non permitidos. Conlevará suspensión por **tres** encontros. No caso de reincidencia neste feito, a sanción será dende un mínimo de **seis** encontros de suspensión ata **expulsión** por **dúas** tempadas.

16) Entrar no terreo de xogo con síntomas de embriaguez ou, por calquera causa, non atoparse en condicións de comportarse co debido respecto cara aos seus compañeiros, aos opoñentes, ao árbitro ou ao público. Conlevará suspensión por **catro** encontros, tamen será sancionado o delegado segundo o **artigo 13, apartado 14)** O árbitro non deixara xogar a quen presente ditos síntomas.

17) Non presentar a licenza por **unha** segunda vez (**artigo 2, apartado 2.7 d**). O participante será suspendido por **dous** encontros. A terceira vez será suspendido **por catro encontros**. A cuarta e posteriores veces será suspendido por **seis encontros** cada vez.

18) Abandonar o terreo de xogo sen permiso do árbitro ou do oficial de mesa. Conlevará suspensión por **dous** encontros.

19) Invadir o terreo de xogo. Conlevará suspensión dende un mínimo de **dous** encontros ata **expulsión** por **dúas** tempadas.

20) Non abandonar o terreo de xogo, o banco ou os seus arredores cando sexa **expulsado**. Conlevará suspensión dende un mínimo de **catro** encontros ata **expulsión** por **dúas** tempadas.

21) Por adoptar unha actitude pasiva ou negligente no cumprimento das ordes, decisións ou instrucións do árbitro, do oficial da mesa, dos responsables das instalacións deportivas ou dos membros da Organización ou dos comités, ou non poñerse a disposición destes. Conlevará suspensión de **dous a dez** encontros.

22) Incitar aos xogadores, aos acompañantes dos mesmos ou ao público en xeral a realizar actitudes antideportivas, con xestos ou palabras, contra o desenvolvemento do encontro. Conlevará suspensión dende un mínimo de **tres** encontros ata **expulsión** por **dúas** tempadas.

23) Protestar, proferir insultos, berros ou ameazas, retar ou realizar actos de desconsideración ou vexatorios de palabra ou obra, menosprezar ou ofender, empregar xestos, ademáns ou actitudes coactivas ou formular reparos ou observacións pronunciando verbas atentatorias, xenófobas ou vexatorias antes, durante ou despois da celebración dun encontro, ou na bancada, cara ao árbitro, ao oficial de mesa, aos compoñentes do equipo propio ou do equipo contrario, ao público, aos responsables das instalacións ou aos membros da Organización ou dos Comités. Conlevará suspensión dende un mínimo de **dous** encontros ata **expulsión** por **catro** tempadas. Tamén poderán ser **expulsados** todos os compoñentes do equipo polo mesmo tempo.

24) Xogar de modo perigoso ou violento. Conlevará suspensión de **dous a quince** encontros e, segundo a gravidade dos danos causados, **expulsión** ata **duas** tempadas.

25) Intentar realizar unha agresión ou repeler a mesma. Conlevará suspensión dende un mínimo de **tres** encontros ata **expulsión** por **duas** tempadas.

26) As agresións. Dependendo da gravidade dos feitos, conlevará suspensión dende un mínimo de **seis** encontros ata **expulsión** por **cinco** tempadas. Tamén poderán ser **expulsados** todos os compoñentes do equipo polo mesmo tempo.

27) Non presentarse ante a Organización, o Comité de Competición ou o Comité de Apelación sen ter unha causa de forza maior debidamente xustificada, no caso de ser convocado por eles. Conlevará suspensión por **tres** encontros.

A reiteración nalgún dos apartados anteriores por parte dalgún integrante do equipo ou dos seus acompañantes poderá chegarse a sancionar coa expulsión do infractor ou do delegado no encontro por un tempo de unha a catro tempadas. Tamén poderán ser sancionados todos os compoñentes do equipo polo mesmo tempo.

28) Cando un **xogador** que participa en dous deportes diferentes sexa sancionado polo árbitro con **expulsión** (técnica descualificante, cartón azul ou vermello) ou sexa sancionado polo Comité de Competición, o Comité de Apelación ou a Organización, non poderá xogar na outra modalidade deportiva no que estea inscrito mentres non cumpra a sanción imposta. No caso de que xogue, o equipo co cal xogou será sancionado segundo o **artigo 15** ou o **artigo 19**.

29) Non presentar un balón regulamentario en boas condicións. Conlevará sanción económica ao equipo responsable (**artigo 28**).

30) Usar vestimenta non autorizada neste regulamento ou saír a xogar indebidamente uniformado. Conlevará sanción económica ao equipo responsable (**artigo 28**).

Todas as faltas en contra dos xuíces árbitros, oficiais de mesa, persoal das instalacións, colaboradores ou membros da Organización e Comités serán sancionadas co máximo rigor.

13 SANCIÓN A O RESPONSABLE E AO DELEGADO NO ENCONTRO

1) O delegado no encontro e os demais compoñentes do equipo serán os responsables do comportamento dos seus acompañantes e poderán ser sancionados polo comportamento dos mesmos. En función da gravidade dos feitos a sanción para o delegado será dende **amoestación** ata **expulsión** por ata **dúas** tempadas.

2) Se polo incumprimento das obrigas do delegado ocorran feitos que fixeran perigar a integridade física do xuíz árbitro, do oficial da mesa, do persoal das instalacións, dos membros da Organización ou dos Comités, dos xogadores ou dos acompañantes do equipo propio ou contrario, o delegado será suspendido dende **seis** encontros ata **expulsión** por ata **cinco** tempadas.

3) Se o delegado no encontro permite que os xogadores do seu equipo ou os seus acompañantes incumpren as normas establecidas respecto ao uso e **conservación das instalacións deportivas** ou sobre o **consumo de bebidas alcohólicas, que fumen ou comen pipas ou produtos que teñan casca**, este será suspendido dende un mínimo de **tres** encontros ata **expulsión** por **dúas** tempadas.

4) Se o delegado permite que estean no banco ou arredor do mesmo compoñentes do equipo que foran expulsados no encontro, que non consten na acta, que estean sancionados, que se atopen de baixa pola Asistencia Medico Sanitaria, así como calquera outra persoa que non pertenza ao equipo. O delegado será suspendido dende **catro** encontros ata **expulsión** por ata **dúas** tempadas.

No caso de contravir calquera dos apartados anteriores tamén poderán ser suspendidos ou expulsados todos os compoñentes do equipo polo mesmo tempo.

5) **Por non entregar as licenzas coa debida antelación (5 a 10 minutos)** antes do comezo do encontro ou, no caso de chegar tarde (**minutos de cortesía**) durante o descanso. Conlevará **un** encontro de sanción.

6) Por entregar as **licenzas de xogadores que non estean presentes** nese momento na instalación deportiva. Conlevará **un** encontro de sanción.

7) **Por non coincidir o número do dorsal** facilitado ao árbitro co dorsal da equipación dalgún xogador. Conlevará sanción por **dous** encontros. A segunda que ocorra este feito, suspensión por **catro** encontros. A terceira e posteriores veces, **seis encontros por cada vez**, aínda que o delegado non sexa o mesmo que recibiu as sancións anteriores.

8) **Por non ter presentado as licenzas ou outro documento** acreditativo dos participantes unha vez xogado o primeiro tempo do encontro. Conlevará sanción dende un mínimo de **6 encontros** ata **expulsión** por ata **dúas** tempadas. Tamén será sancionado o equipo segundo o **artigo 23, apartado 3**).

9) **Por chegar tarde a xogar** (5 minutos de cortesía) por **segunda** vez sen causa de forza maior debidamente xustificada. O responsable do equipo será suspendido con **tres** encontros, a **terceira** vez con **seis**, e a **cuarta** vez con **doce**, sendo tamén sancionado o equipo coa perda de **seis** puntos. No caso de reiteración posterior serán **expulsados** o responsable do equipo e o equipo.

10) **Por negarse a asinar a acta** antes do comezo do encontro ou, no caso de chegar tarde (**minutos de cortesía**), no descanso ou á finalización do encontro. Conlevará suspensión por **catro** encontros.

11) Por permitir que os **xogadores do seu equipo quenzan con balón polas bandas**, entre os campos de **fútbol 7** ou dentro do pavillón mentres se estean xogando outros encontros. Conlevará sanción por **dous encontros**. No caso de que algún balón utilizado no quencemento interrompa o normal desenvolvemento dalgún encontro, esta sanción será de **catro encontros**.

12) Por permitir que os **acompañantes dos membros do seu equipo se atopen entre os campos de fútbol 7** mentres se estea disputando algún encontro. A primeira vez conlevará dende **amoestación** ata suspensión por **tres** encontros. No caso de tratarse de nenos, conlevará suspensión por un mínimo de **catro** encontros ata **expulsión** por **dúas** tempadas

13) **Pola alíñación de xogadores que estean de baixa pola Asistencia Medico Sanitaria**. Conlevará a suspensión ao delegado no encontro por **quince** encontros. Ademais será sancionado o equipo coa **perda da metade da fianza**, o desconto de **12 puntos** na clasificación xeral e a perda do encontro polo resultado que se especifique para cada deporte. No caso de reiteración, o equipo será **expulsado** de **unha a tres** tempadas.

14) Pola aliñación de xogadores que non estean en condicións de xogar debido ao consumo de alcohol ou de substancias prohibidas. Conlevará suspensión por **dous** encontros.

15) Por permitir que os **xogadores saian a xogar sen protector das canelas**. Conlevará suspensión por **tres** encontros. No caso de reincidencia, suspensión por un mínimo de **seis** encontros ata **expulsión** por **dúas** tempadas.

16) Por permitir que os **xogadores saian a xogar con xoias ou adornos**. Conlevará suspensión por **tres** encontros. No caso de reincidencia, suspensión por un mínimo de **seis** encontros ata **expulsión** por **dúas** tempadas.

17) Por permitir que os **xogadores abandonen o terreo de xogo sen autorización** do árbitro ou oficial da mesa. Conlevará suspensión por **dous** encontros

18) Por permitir que os **xogadores que se atopen no banco estean de pé**. Conlevará dende **amoestación** ata suspensión por **catro** encontros.

19) Por invasión do terreo de xogo por parte dos xogadores do seu equipo ou dos acompañantes dos mesmos. Conlevará suspensión por un mínimo de **tres** encontros a **expulsión** ata **dúas** tempadas

20) Por negarse a entregar as licenzas dos xogadores sancionados ao árbitro do encontro. Conlevará suspensión por un mínimo de **seis** encontros ata **expulsión** por **dúas** tempadas.

21) Por uso indebido por parte de calquera acompañante do equipo das actas, licenzas ou outros documentos da Organización. Conlevará suspensión de **tres** a **oito** encontros.

22) Por non entregar na oficina da Organización as licenzas dos sancionados no prazo establecido no **artigo 24, apartado a)**, o responsable do equipo será suspendido por dous encontros

14 SANCIONES POR ALIÑACIÓN DE XOGADORES FEDERADOS

O equipo que aliñe algún xogador federado, estea ou non en activo, que non cumpra o artigo 2, apartado 2.4, será sancionado con:

Expulsión do responsable do equipo de unha a dúas tempadas e do xogador por tres tempadas.

Perda de todos os encontros disputados ata a data da resolución do Comité de Competición nos que o equipo teña gañado ou empatado coa participación do infractor e polo resultado que especifique o deporte correspondente. Os encontros perdidos coa participación do infractor manterán o seu resultado.

Perda da **totalidade** da **fianza** e desconto de **18 puntos** na clasificación xeral.

15 SANCIONES POR ALIÑACIÓN OU CONSTAR NA ACTA DOS SANCIONADOS CUN MÁXIMO DE TRES ENCONTROS.

Por aliñar algun xogador que teña vixente unha sanción de **un** a **tres** encontros as sancións serán as seguintes:

1) Se o equipo gañou ou empatou o encontro, daráselle por perdido pola mínima diferenza. Se o equipo perdeu o encontro, manterase o seu resultado.

2) Descontaránselle o equipo **6 puntos** na clasificación xeral

3) Sancionárase ao xogador infractor con **tres encontros**.

4) Sancionárase ao delegado do encontro con **tres encontros de suspensión**. No caso de constar na acta e participar no encontro, e ter unha sanción vixente, será **suspendido por cinco encontros**, non aplicándose en ningún destes casos o **artigo 1**. No caso de ter máis de **tres encontros de suspensión**, se lle aplicara o **artigo, 19, apartado 2**.

5) As sancións pendentes non cumpridas serán incrementadas con estas novas sancións.

6) **O sancionado por este artigo non poderá acollerse a ningunha permuta.**

7) No caso de reincidencia, o equipo será **expulsado** de **unha** a **dúas** tempadas.

16 SANCIONES POR CARTÓNS

1) Cando unha falta cometida durante un encontro sexa penalizada con expulsión (**cartón descualificante en baloncesto, vermello en fútbol sala ou azul ou vermello en fútbol 7**), o árbitro reterá a licenza do infractor, que se deberá considerar xa **suspendido** para o seguinte encontro. Esta sancións poderá verse incrementada se así o considera o Comité de Competición, que valorará a gravidade dos feitos polos cais se produciu a expulsión.

2) Todos as cartóns que lles mostre o árbitro aos participantes que estean **no banco** serán incrementados ao **dobro** do que marque o **artigo** correspondente.

17 SANCIONES POR ACUMULACIÓN DE CARTÓNS

BALONCESTO

Técnicas ou antideportivas	Suspensión
5	1 encontro
8	1 encontro
10	1 encontro

FÚTBOL SALA

Cartóns amarelos	Suspensión
5	1 encontro
8	1 encontro
10	1 encontro
12	1 encontro
14	1 encontro
16	1 encontro

FÚTBOL 7

Cartóns amarelos	Suspensión
5	1 encontro
8	1 encontro
10	1 encontro

18 EXPULSIONS POR ACUMULACIÓN DE CARTÓNS

BALONCESTO: Por 3 descualificantes ou 12 técnicas acumulativas ou antideportivas.

FÚTBOL SALA: Por 5 cartóns vermellos ou 18 cartóns amarelos.

FÚTBOL 7: Por 3 cartóns vermellos, 5 cartóns azuis ou 12 cartóns amarelos.

19 EXPULSION DO EQUIPO

O equipo que incumpra calquera apartado desde artigo será expulsado da competición de unha a tres tempadas.

- 1) Aliñar o delegado como xogador.
- 2) Se un delegado que teña mais de **tres** encontros de sanción, se fai constar na acta e participa no encontro.
- 3) Aliñar algun xogador que teña mais de **tres** encontros de sanción.
- 4) Aliñar ou facer constar na acta participantes que falsifiquen a súa licenza ou que xoguen coa licenza doutro participante.
- 5) No caso de reanudarse un encontro que fora suspendido por causa de forza maior, aliñar ou facer constar na acta a participantes que foran expulsados no encontro. No caso de que a suspensión fora no segundo tempo por aliñar a algun novo xogador ou delegado.
- 6) Unha vez comezado o segundo tempo, que xogue algún xogador que non conste na acta.
- 7) Que algún xogador cambie de camiseta con outro xogador sen poñelo en coñecemento do árbitro.
- 8) En baloncesto, aliñar o xogador que estea actuando como oficial de mesa nese período, tendo o seu equipo máis de catro xogadores no campo.
- 9) Negarse a entregar as licenzas dos compoñentes do equipo ao árbitro do encontro, aos membros da Organización ou aos membros dos comités.
- 10) Non estar presente algún dos participantes no momento de facer a revisión das licenzas.
- 11) No momento de facer as comprobacións das licenzas, non presentar algún participante o seu DNI, pasaporte ou carné de conducir cando se lle requira para a súa identificación en caso de dúbida.

20 SUSPENSIÓN E AS SUAS SANCIÓN

- 1) Por non querer comezar o encontro ou retirarse do terreo de xogo sen unha causa de forza maior debidamente xustificada aplicaranse as seguintes sancións: perda do encontro polo resultado que especifique o regulamento do deporte correspondente, perda da **totalidade da fianza**, desconto de **10 puntos** na clasificación xeral e suspensión para o delegado no encontro dende un mínimo de **seis encontros** ata **expulsión de unha a dúas** tempada
- 2) Por, unha vez finalizado o descanso, non ter presentado as licenzas ou outro documento orixinal (DNI, pasaporte ou carné de conducir) que permita acreditar a identidade dos participantes aplicaranse as seguintes sancións: perda do encontro polo resultado que especifique o regulamento do deporte correspondente, perda da **totalidade da fianza**, desconto de **12 puntos** na clasificación xeral e sanción para o delegado no encontro segundo o **artigo 13, apartado 8)**. No caso de reiteración, o equipo será **expulsado da competición**.
- 3) Por ter que suspenderse un encontro debido a que non queira abandonar o **terreo de xogo**, o **banco** ou **os seus arredores**: un participante expulsado do encontro, participantes que non consten na acta ou acompañantes. Daráselle o encontro por perdido ao equipo responsable, perderá a **totalidade da fianza** e descontarásenlle **15 puntos** na clasificación xeral. O delegado no encontro e os xogadores poderán ser sancionados dende **seis encontros de suspensión ata expulsión dende unha a catro tempadas**.
- 4) Por ter que suspenderse un encontro por agresión, intento de agresión ou actitudes antideportivas por parte dalgún integrante do equipo ou algún dos seus acompañantes antes do comezo do encontro ou durante o seu desenvolvemento. Daráselle o encontro por perdido ao equipo responsable, perderá a **totalidade da fianza** e descontarásenlle **15 puntos** na clasificación xeral. O delegado no encontro e os xogadores poderán ser sancionados dende **seis encontros de suspensión ata expulsión dende unha a catro tempadas**.

5) Cando teña que suspenderse un encontro debido á non presentación dun balón regulamentario en boas condicións, o encontro rematará con resultado de **0-0**, descontaráselle **un** punto na clasificación xeral a cada equipo e ambos equipos serán sancionados segundo o **artigo 28**.

6) Cando o árbitro decida suspender un encontro no **primeiro tempo**, cando se reanude xogarase o tempo total pendente. Se no momento de decretarse a suspensión quedaran **menos de 10 minutos** para a finalización do encontro, este **darase por finalizado**.

7) Na reanudación dun encontro suspendido durante o primeiro tempo, os equipos poderan incorporar novos xogadores ou delegado(s) exceptuando aqueles que foran **expulsados nese mesmo encontro ou foran sancionados** por feitos acontecidos no mesmo. No caso de que a suspensión do encontro tivera lugar durante o segundo tempo, non se poderá incorporar ningún xogador ou delegado(s) novo(s). En caso de infrinxirse esta norma, considerarase **aliñación indebida**.

8) Se o árbitro decidira que se debe suspender o encontro e non fora quen de facelo ou non puidera actuar dun xeito neutral debido a que se sentise coaccionado pola actitude dalgún xogador ou dos seus acompañantes, o resultado final non terá validez. O Comité de Competición e o Comité de Apelación terán a potestade para investigar sobre os feitos acaecidos e para sancionar, se o consideran necesario, ao delegado e aos xogadores.

21 NON PRESENTACIÓN

Consideraranse “non presentación” os seguintes casos:

a) Cando transcorridos os **5 minutos de cortesía** dende a hora fixada para o comezo do encontro algún dos equipos non dispoña no terreo de xogo do número suficiente de xogadores, o equipo infractor será sancionado segundo o apartado que corresponda do seguinte artigo.

b) Cando un equipo se negue a comezar o encontro ou se retire do terreo de xogo sen causa de forza maior debidamente xustificada.

c) Cando un equipo unha vez finalizado o descanso non teña presentado as licenzas ou outro documento orixinal (DNI, pasaporte ou carné de conducir) que acredite as identidades dos participantes.

22 SANCIÓN POR NON PRESENTACIÓN

1) Cando un equipo non se presenta, ou se presente por **primeira vez con menos de catro xogadores en Baloncesto ou Fútbol Sala ou menos de cinco xogadores en Fútbol 7** será sancionado **con**: perda do encontro polo resultado que especifique o regulamento do deporte correspondente, perda da **metade da fianza e desconto de 6 puntos na clasificación xeral se restan máis de catro xornadas** para o remate da tempada..

No caso de que ambos equipos non se presenten ou se presenten co número de xogadores indicado neste apartado, o resultado final do encontro será de **0-0**. Ademáis sancionarase a cada un dos equipos coa **perda da metade da fianza e desconto de 7 puntos** na clasificación xeral.

Cando un equipo se presente por segunda vez co número de xogadores indicado neste apartado, será expulsado da competición

2) Se esta infracción se comete nunha competición a unha única volta, o equipo será **expulsado** da competición. No caso de que esta infracción se cometa na competición de copa, o equipo quedará eliminado da mesma e será sancionado coa **perda da metade da fianza**.

3) Cando un equipo se presente por **primeira vez con catro xogadores en Baloncesto e Fútbol Sala ou con cinco xogadores en Fútbol 7**, será sancionado coa perda do encontro polo resultado que especifique o regulamento do deporte correspondente.

No caso de que ambos equipos se presenten co número de xogadores indicado neste apartado, o resultado final do encontro será de **0-0**, descontadolles **1 punto** na clasificación a ca un deles.

Cando un equipo se presente **por segunda vez** co número de xogadores indicado neste apartado, será sancionado coa perda do encontro polo resultado que especifique o regulamento do deporte correspondente, coa **perda da metade da fianza e co desconto de 6 puntos da clasificación xeral**.

Cando este feito lle ocorra **por terceira vez** a un mesmo equipo, será **expulsado da competición**.

4) Cando só restan **catro ou menos xornadas** para o remate da liga, no caso de que un equipo no presente o mínimo de xogadores para comezar o encontro o equipo será sancionado coa perda do encontro polo resultado que especifique o regulamento do deporte correspondente, **perda da metade da fianza e desconto de 15 puntos da clasificación xeral**.

No caso de que ambos equipos se presenten co número insuficiente de xogadores para comezar o encontro, o resultado final do encontro será de **0-0**. Ademais sancionárase a cada un dos equipos coa **perda da metade da fianza e desconto de 15 puntos** na clasificación xeral.

Cando este feito lle ocorra **por segunda vez** a un mesmo equipo, será **expulsado da competición**.

O Comité de Competición está facultado para resolver en caso excepcional, os casos de non presentación, sempre que fose por unha causa de forza maior debidamente xustificada, procedendo da seguinte maneira: reprogramación do encontro ou perda do mesmo.

23 BAIAS DE EQUIPOS POR RETIRADA OU EXPULSIÓN

1) Se un equipo causa baixa da competición antes de finalizar a primeira volta, a efectos da clasificación anularanse todos os resultados dos encontros que disputara ata ese momento.

2) Se un equipo causa baixa da competición posteriormente á finalización de primeira volta, a efectos da clasificación serán válidos os resultados dos encontros que disputara na primeira volta pero anularanse os resultados de todos os encontros que disputara na segunda volta.

3) En caso de que algún grupo da 3ª división en baloncesto, na 3ª división de honra de fútbol 7, na 3ª división de fútbol 7 ou na 3ª división de fútbol sala quede nas **dúas** primeiras xornadas con menos equipos dos establecidos ao principio da competición, as baixas de equipos poderán ser cubertas con outros, co fin de que os grupos teñan un número de equipos similar entre eles.

No caso de cubrirse ditas baixas, os partidos disputados polos equipos retirados ou expulsados non terán validez. Os equipos que xogaran algún partido contra eles terán que xogar contra os novos equipos incorporados ao grupo.

4) Cando un equipo cause baixa deixando algunha débeda pendente coa organización, os integrantes do mesmo non poderán participar en ningunha competición organizada pola Agrupación Deportiva Vigo mentres non abonen a parte proporcional que lles corresponde (**artigo 1, apartado 1.3 c**). No caso de que ademais tiveran pendente algunha sanción deberán cumprila ao comezo da nova tempada.

5) O equipo que, debido sancións ou baixas, quede cun número de xogadores insuficiente para comezar o encontro, será **expulsado** da competición.

6) Tanto a **expulsión** de xogadores como de equipos, segundo a gravidade dos feitos acaecidos, poden ser dende **unha** ata **cinco** tempadas.

7) Unha vez comezada a competición, no caso de baixa ou expulsión dun equipo, este e os seus compoñentes **PERDERÁN TODOS OS SEUS DEREITOS** correspondentes á tempada en curso. **Baixo ningún concepto terán dereito á devolución dos importes da fianza, do seguro deportivo, do depósito das sancións nin da inscrición.**

24 REGULAMENTO XERAL DAS SANCIÓN

a) Unha vez anunciadas no taboleiro de anuncios as decisións do Comité de Competición, do Comité de Apelación ou da Organización, no caso de que o árbitro non retirara as licenzas dos xogadores sancionados, calquera dos integrantes do equipo terá que entregalas na oficina da Organización no prazo máximo de **48 horas a contar dende o momento do anuncio**.

b) As sancións serán cumpridas obrigatoriamente nos encontros inmediatamente posteriores á data dos ditames do Comité de Competición, do Comité de Apelación ou da Organización.

c) **No caso de non terse cumpridas por completo as sancións impostas na/s tempada/s anterior/es á presente, os participantes sancionados deberán cumprilas ao longo desta tempada. No caso de sancións con duración maior de unha tempada, a parte pendente da sanción comezarse cumprindo nesta tempada e o resto cumprirse nas seguintes tempadas. Aplicarase esta norma aos participantes independentemente de que participen no mesmo equipo co cal foi sancionado ou nun novo equipo. No caso de incumprirse esta norma, aplicarase o artigo 15 ou o artigo 19 segundo o caso.**

25 ACLARACIÓNS E RECLAMACIÓNS ANTE O COMITÉ DE COMPETICIÓ

a) Os equipos, a través do seu responsable ou, por causa de forza maior, a través do seu delegado no encontro, poderán presentar por escrito ante o Comité de Competición as aclaracións ou reclamacións que xulguen oportunas na defensa dos seus intereses antes das **20:30 horas** do luns seguinte á data do encontro.

b) As aclaracións e reclamacións terán que presentarse mediante escrito razoado informando sobre os feitos acacidos, achegando cantos datos e probas se consideren oportunas para o mellor coñecemento dos feitos. Non se terán en conta as aclaracións ou reclamacións feitas de forma oral.

c) En ditos escritos en ningún caso se expresarán xuízos de valor ou descualificacións sobre os árbitros, os delegados, os comités, a Organización ou o equipo rival. De producirse isto, **desestimarase** a aclaración ou reclamación presentada.

d) No caso de presentarse unha reclamación por **aliñación indebida**, o reclamante terá que depositar a cantidade de **10 €** por xogador aliñado indebidamente. **No caso de prosperar a reclamación, este depósito será devolto.**

26 RECURSOS

a) O responsable do equipo ou, por causa de forza maior, o delegado no encontro, poderán interpor recurso por escrito ante o Comité de Apelación contra as resolucións disciplinarias adoptadas polo Comité de Competición.

b) O recurso presentarase na sede da Organización antes das **20:30 h** do xoves seguinte á data do ditame do Comité de Competición. A presentación do recurso requirirá efectuar un **depósito de 10.- € por equipo**. **No caso de prosperar dito recurso, o depósito será devolto.**

Todos os escritos de aclaracións, reclamacións e recursos terán que encabezarse sempre co nome do responsable do equipo ou do delegado no encontro, incluíndo o seu número de licenza, DNI, nome do equipo e sinatura.

27 PERMUTA DAS SANCIÓNS

a) Os participantes sancionados cun máximo de **catro** encontros poderán solicitar por escrito ante a Organización ou ante o Comité de Competición a permuta da sanción por arbitraxes de fútbol 7 base ou doutras actividades que teñan lugar os sábados ou domingos.

Os sancionados polo artigo 15 non poderán acollerse a esta permuta.

b) As actividades darán comezo no horario establecido pola Organización, rebaixándose dous encontros da sanción por arbitrar ou realizar outra actividade durante unha mañá enteira. No caso de que a sanción fora por un só encontro, a actividade poderá ser só de media mañá.

c) Se un participante que solicita a permuta non se presenta ás actividades asignadas, non poderá solicitar outra permuta para a mesma sanción.

28 SANCIONES ECONÓMICAS

BALONCESTO

Cartón de técnicas acumulativas ou antideportivas	1.- €
Cartón descalificante	3.- €
Uniformidade non adecuada.	3.- €
Non presentación dun balón regulamentario ou en boas condicións.	10.- €

FÚTBOL SALA

Cartón amarelo.	1.- €
Cartón vermello.	3.- €
Uniformidade non adecuada.	3.- €
Non presentación dun balón regulamentario ou en boas condicións.	10.- €

FÚTBOL 7

Cartón amarelo.	1.- €
Cartón azul.	2.- €
Cartón vermello.	3.- €
Uniformidade non adecuada.	3.- €
Non presentación dun balón regulamentario ou en boas condicións.	10.- €

29 PAGAMENTO DAS SANCIONES

1) As sancions económicas por cartóns, equipacións ou balóns descontaranse do depósito que os equipos ingresaron para cubrilas. No caso de que a un equipo lle resten **10.- €** ou menos no depósito inicial, terá que completalo no prazo máximo de **7 días** dende que se lle avise deste feito. **Aos equipos que non cumpran dito prazo, ata que completen o depósito non se lles programarán encontros e estes daránselles por perdidos pola mínima diferenza.**

30 FIANZAS

Se un equipo non ten completa a **totalidade** da súa **fianza**, terá que repoñela no prazo máximo de **7 días**, aos equipos que non cumpran dito prazo non se lles programarán encontros e estes daránselles por perdidos pola mínima diferenza. No caso de non realizar a reposición da fianza nun prazo máximo de **14 días** a partir da primeira comunicación da resolución, o equipo será **expulsado** da competición.

31 COMITÉ DE COMPETICIÓN

O Comité de Competición estará formado por:

- Presidente, Secretario e un Vogal

a) As decisións do Comité de Competición basearanse nos datos contidos nas actas, nos anexos elaborados polos xuíces árbitros e nas aclaracións ou reclamacións que poidan presentar o responsable do equipo ou o delegado no encontro.

b) As decisións do Comité de Competición terán validez dende o momento da súa publicación no taboleiro de anuncios ou na páxina web www.vide.es.

32 COMITÉ DE APELACIÓN

O Comité de Apelación estará formado por:

- O Presidente da Agrupación Deportiva Vigo.
- Dous técnicos deportivos da Organización..
- Un representante dos xuíces árbitros.

a) O Comité de Apelación será competente sobre todas as incidencias que poidan ocorrer na competición “**Vigo en Xogo**” e constituirá a instancia última de apelación. O Comité de Apelación poderá revogar, confirmar ou modificar tanto as decisións coma os acordos adoptados pola Organización ou polo Comité de Competición.

b) O Comité de Apelación, co fin de evitar posibles prexuízos irreparables, poderá decretar, de oficio ou a instancia de parte, a suspensión cautelar da aplicación das decisións ou acordos adoptados polo Comité de Competición ou pola Organización ata a publicación da súa decisión sobre estes.

Contra as resolucións adoptadas polo Comité de Apelación non caberá recurso; o seu ditame será inapelable.

33 ÁRBITROS

Os árbitros, como máxima autoridade e xuíz dos encontros, deberán dar exemplo en todo momento ante os participantes, especialmente no seu comportamento persoal e na súa uniformidade.

a) O árbitro é a autoridade deportiva única e inapelable na orde técnica para dirixir os encontros.

b) As súas competencias comezarán no momento de entrar no recinto deportivo e non terminarán ata que o abandone, conservándoas polo tanto durante os descansos, interrupcións e suspensións, aínda que o balón non estea en xogo.

c) Tanto os delegados coma os xogadores deberán acatar as súas decisións e estarán obrigados a apoialo e protexelo en todo momento para garantir a independencia da súa actuación e o respecto debido ao exercicio da súa función.

d) Os árbitros poderán atrasar ou adiantar a hora de inicio dun encontro unicamente por causas de forza maior para axustar o horario ao establecido pola Organización. Este cambio de horario será decisión exclusiva do árbitro.

33.1 OBRIGAS DOS ÁRBITROS

1) Non poderán pertencer a ningún equipo da competición. Excepcionalmente, e só por causas de forza maior, a Organización poderá autorizalo.

2) Terán que asistir obrigatoriamente ás reunións e aos cursos de actualización e adestramentos que se impartan.

3) Terán que recoller os nomeamentos (actas) e entregalas xuntamente coas cartolinas do encontro e os posibles anexos e partes de incidencias das instalacións dentro do horario establecido pola Organización.

4) Presentaranse nas instalacións deportivas cunha antelación mínima de **10-15 minutos** respecto ao inicio do encontro co obxecto de examinar as súas condicións, revisar os vestiarios e terreos de xogo e comprobar o seu estado e condición xerais (marcaxe das liñas, porterías, redes, etc.), anotando as posibles incidencias no parte de incidencias das instalacións.

5) Anotarán na acta os número de dorsal a carón do nome de cada xogador e un **X** a carón do nome do delegado no encontro. No caso de que sexa un xogador quen actúe como delegado, terán que anotar as súas iniciais e numero da súa licenza no apartado de delegados. Se as actas non están cubertas, as cubrirán co número de licenza e nome do delegado no encontro e os números das licenzas e dorsais dos xogadores.

6) En ningún caso farán constar na acta ningunha clase de aclaración ou reclamación por parte de ningún equipo.

- 7) Personaranse no terreo de xogo **2/3 minutos** antes do comezo do encontro.
- 8) Non deixarán xogar a quen leve calquera **xoia** ou **adorno** se non cumpre o establecido no **artigo 2, apartado 2.6 d.**
- 9) Non deixarán xogar en Fútbol Sala ou Fútbol 7 a quen non leve as **proteccións das canelas**.
- 10) Non deixarán xogar ao xogadores que presenten síntomas de embriaguez ou que teñan un comportamento inusual cara aos seus compañeiros, opoñentes ou público.
- 11) Farán cumprir a obriga de que no banco non estean xogadores que non consten na acta ou expulsados no encontro, así como calquera persoa allea o equipo. De darse este caso, avisarán ao delegado do encontro para que solucione esta infracción no prazo máximo de **15 segundos**. No caso de que o infractor non abandone o banco ou o seu arredor no devandito tempo, o árbitro dará por finalizado o encontro.
- 12) Farán cumprir a obriga de que os membros do equipo e os xogadores que non estean xogando permanezan sentados nos bancos.
- 13) En caso de que os participantes no encontro non se comporten coa corrección e deportividade debida, advertirá ao delegado do encontro para que cesen no seu comportamento.
- 14) Farán cumprir a obriga de que nin os xogadores nin os acompañantes quezan con balón no medio dos campos de fútbol 7 ou nos pavillóns mentres entean a xogar outros equipos.
- 15) Farán cumprir a obriga de que as substitucións dos xogadores se fagan conforme ás regras de xogo.
- 16) Revisarán os balóns que presenten os equipos, asegurándose de que reúnan as condicións regulamentarias.
- 17) Prohibirán que entren no terreo de xogo sen a súa autorización outras persoas que non sexan os xogadores que estean xogando.
- 18) Retirarán a licenza dos participantes que durante o partido foran sancionados con cartón de técnica descalificante (baloncesto), vermello (fútbol sala) ou azul directo ou vermello (fútbol 7) e achegaranas á acta.
- 19) Comprobarán e revisarán as licenzas dos participantes cando a Organización, o Comité de Competición ou o Comité de Apelación o estimen oportuno.
- 20) No caso de que as inclemencias meteorolóxicas ou outras causas de forza maior obrigasen á suspensión do encontro, cubrirán a acta facendo constar as causas polas que non se puido celebrar o encontro, tendo que permanecer nas instalacións e pechar unha a unha as actas nas horas previstas para cada un dos outros encontros a arbitrar.
- ### 33.2 REGULAMENTACIÓN
- Os árbitros están obrigados a reflectir na acta todas as incidencias que se produzan nos encontros e de forma expresa o relativo a:**
- a) Incomparecencia dalgún dos equipos ou que algún deles non conte co número mínimo de xogadores para poder comezar o encontro. Ademais terán que reflectir a hora do peche da acta.
 - b) Puntualidade dos equipos (**minutos de cortesía**), tendo que reflectir o equipo que chegou tarde e a que hora comezou o encontro.
 - c) Entrega das licenzas sen a debida antelación ou no descanso.
 - d) Negativa por parte do delegado do equipo a asinar a acta antes do comezo do encontro ou, no caso de chegar tarde (**minutos de cortesía**), no descanso ou á finalización do encontro.
 - e) No caso de que o encontro non comece á hora programada, hora á que deu comezo e causas do atraso.
 - f) Presenza no terreo de xogo de xogadores con **xoias** ou **adornos** non permitidos.

g) Presenza no terreo de xogo de xogadores sen proteccións das canelas no caso de que estas sexan obrigatorias.

h) Non presentación de balóns ou presentación dos mesmos sen condicións adecuadas para xogar.

i) Uniformidade e vestimenta dos xogadores que non reúnan os requisitos establecidos neste regulamento ou que non saian ao terreo de xogo coa camiseta por dentro do pantalón.

j) Non coincidencia entre os números dos dorsais comunicados polo delegado no encontro coa equipación real dos xogadores.

k) No caso de lesión dalgún xogador, a parte do corpo onde resultou lesionado.

l) Negativa a abandonar o terreo de xogo ou o banco por parte dos participantes excluídos do encontro.

m) Negativa por parte dos participantes no encontro a permanecer sentados no banco.

n) Número da licenza dos participantes que sexan expulsados do encontro e causas da expulsión.

ñ) Invasión do terreo de xogo por parte de xogadores ou dos seus acompañantes.

o) Presenza de xogadores quecendo co balón entre os campos de fútbol 7 ou dentro do pavillón mentres se estea xogando algún partido.

p) Presenza no terreo de xogo dos acompañantes, estean ou non xogando con balón, mentres se estea disputando un encontro, especificando se son adultos ou nenos.

q) Presenza no banco de persoas alleas aos equipos ou de xogadores que non consten na acta ou indebidamente uniformados.

r) Negativa por parte dalgún equipo a someterse á revisión das licenzas ou ausencia durante a mesma dalgún participante.

s) Negativa por parte dalgún participante a mostrar o seu DNI ou outro documento orixinal cando se lle requira para a perfecta comprobación da súa licenza.

t) Dúvidas sobre a validez da licenza dalgún participante.

u) Todas as condutas e feitos antideportivos acaecidos antes, durante ou despois do encontro, no campo de xogo, nos bancos dos equipos, nas bancadas, nos vestiarios e mesmo os producidos fóra das instalacións deportivas, protagonizados por algún dos participantes ou polos seus acompañantes.

Os árbitros, independentemente dos anteriores apartados, rexeranse tamén pola normativa reflectida nas Normas do Réxime Interno sobre a súa conduta respecto á competición

33.3 ANEXOS Á ACTA

Co fin de evitar situacións de tensión, os árbitros poderán facer un anexo á acta do encontro con posterioridade á finalización do mesmo e fóra da instalación. Neste caso, deberán reflectir na acta que van facer dito anexo.

Os equipos implicados poderán dirixirse á Organización co fin de coñecer o contido do anexo.

34 INCOMPARECENCIA ARBITRAL

a) Se un árbitro non se presenta ao encontro, os delegados dos dous equipos deberán poñerse de acordo para que algunha das persoas presentes, aínda que non pertenza a ningún dos equipos, actúe como árbitro. A acta redactarase nun papel incluíndo todos os datos dos participantes no encontro, delegados, xogadores, número das licenzas e dorsais, goles, incidencias, etc. Dita acta deberá ser asinada polos delegados do encontro.

b) Non será abonada a arbitrase a ningún árbitro non designado pola Organización.

c) O equipo designado como local terá a obriga de entregar esta acta na oficina da Organización **antes das 18:00 h do luns seguinte á data do encontro**, sendo válida a todos os efectos se así o estima o Comité de Competición. No caso de non entregarse a acta no prazo sinalado, daráselle o encontro por perdido ao equipo encargado de entregala e ademáis descontarásenlle **dous** puntos na clasificación xeral.

d) **No caso de que non se poñan de acordo os dous equipos para designar un árbitro e, por tanto, non fose posible disputar o encontro**, darase o mesmo por finalizado por **0 - 0**, descontándosele **dous puntos** na clasificación xeral **a cada un dos equipos**.

35 PROCEDEMENTO A SEGUIR POLO ÁRBITRO EN CASO DE LESIÓN

No caso de que un xogador resulte lesionado os árbitros terán que aterse as seguintes instrucións:

a) Se na súa opinión a lesión é leve, permitirán continuar o xogo ata que o mesmo teña que ser detido por algunha outra causa considerada no regulamento.

b) Se na súa opinión a lesión é grave, deterán o xogo inmediatamente.

c) Obrigarán a abandonar o terreo de xogo a calquera xogador que teña unha ferida sangrante. Dito xogador non poderá retornar ao terreo de xogo ata que o árbitro comprobe que deixou de sangrar.

Un xogador non poderá usar roupa manchada de sangue.

d) Permitirá que o xogador lesionado abandone o terreo de xogo por calquera lugar do mesmo.

36 SEGURO DOS ACCIDENTES DEPORTIVOS

Tomador do seguro: **“Agrupación Deportiva Vigo”**

Poliza nº 232967-04-PO751

Competición “Vigo en Xogo” 2017 / 2018

Duración **Do 17 de agosto do 2017 ao 16 de agosto de 2018**

Compañía aseguradora: **MUTUA GENERAL DE CATALUÑA**

ASISTENCIA MEDICO QUIRURXICA E SANATORIAL ILIMITADA

FRANQUIA DE 50.00.-€ POR ACCIDENTE DEPORTIVO

FALECIMENTO 6.015.00.-€

INVALIDEZ ABSOLUTA E PERMANENTE 12.025.00.-

No caso de dubida contactar co mediador do Seguro, Jaime Alvarez (teléfono 655 157 225)

URXENCIAS Centro médico	EL CASTRO, HOSPITAL PERPETUO SOCORRO HM – VIGO Rúa Manuel Olivie, 11 - Vigo Teléfono: 986 411 466 .
AMBULANCIA	061 ou chamar ao servizo de urxencias 112

36.1 ASEGURADOS

a) Están asegurados todos os **árbitros** e **xogadores** de baloncesto, fútbol sala e fútbol 7 participantes nas competicións deportivas “**Vigo en Xogo**” que figuran identificados na relación nominal asinada e selada pola “**Agrupación Deportiva Vigo**” e a compañía aseguradora **Mutua General de Cataluña**.

36.2 COBERTURA E RISCOS CUBERTOS

a) A asistencia médico quirúrgica e sanatorial será **ilimitada** e será prestada **exclusivamente** polos centros concertados pola compañía aseguradora, cun límite temporal ata **18 meses** dende a ocorrencia do accidente deportivo

b) A atención médico-sanitaria inclúe os servizos de urxencias, honorarios dos facultativos, estancia hospitalaria, probas diagnósticas ou exploratorias, intervencións quirúrxicas e a rehabilitación que precisen, como consecuencia das lesións producidas nun accidente deportivo acaecidas durante a disputa dun encontro, **sempre e cando dita lesión fose reflectida na acta polo árbitro do encontro**.

c) Nesta tempada a compañía aseguradora, establécese unha Franquía de **50.-€** por sinistro.

d) O límite máximo de gastos en odonto-estomatoloxía para as lesións da boca é de **250.- €**.

e) Só en casos de **urxencia vital** ou de **extrema urxencia** estarán cubertos os traslados do accidentado en ambulancia.

36.3 RISCOS EXCLUIDOS

1) As lesións ou padecementos crónicos e/ou dexenerativos.

2) As lesións preexistentes.

3) Os danos en prótesis, plastias e material de osteosíntesis preexistentes.

4) Os gastos da farmacia extrahospitalari

5) Os gastos do transporte.

6) As hernias que non sexan producidas polo esforzo súbito.

7) As insolacións

8) Toda lesión corporal que non fose derivada por unha causa violenta, súbita, externa e allea á intencionalidade do asegurado.

9) As lesións producidas no caso de agresións ou de desordes orixinados, antes, durante ou despois dun encontro.

10) Os danos producidos baixo os efectos do alcohol, drogas ou estupefacientes non prescritos medicamente

11) Quedan expresamente excluídos, cando foran declarados como accidente de traballo pola Seguridade Social: as enfermidades de calquera natureza, incluso o infarto de miocardio, os derrames cerebrais, embolias, accidentes cardiovasculares así como as lesións e outras consecuencias debidas a operacións, inxeccións ou tratamentos médicos.

12) As lesións ou accidentes producidos nos desprazamentos dende o domicilio do asegurado aos terreos de xogo e viceversa.

13) As lesións ou accidentes producidos en competicións non organizadas pola **Agrupación Deportiva Vigo**.

14) Calquera indemnización pola rotura de lentes, aparellos dentais, roupa ou calquera outro obxecto, aínda que esta sexa consecuencia do accidente cuberto polo contrato.

15) Non serán cubertas as asistencias médicas prestadas nos centros de Seguridade Social ou realizadas noutros centros médicos non concertados pola compañía aseguradora, **Mutua General de Cataluña**, agas **urgencias vitais**, polo que deberán ser aboadas polo propio lesionado, no caso de acudir a outros centros sin ser unha lesión con risco de falecemento.

37 PROTOCOLO DE ACTUACIÓNS EN CASO DE LESIÓN

O protocolo a seguir no caso de lesión e necesidade de asistencia medica sanitaria cuberta pola compañía aseguradora é o seguinte:

- 1) O delegado do equipo no encontro solicitaralle ao árbitro que dita lesión sexa reflectida na acta.
- 2) O xogador lesionado ou o seu delegado, deberá chamar ao teléfono da compañía aseguradora Mutua General de Cataluña para que a súa lesión sexa tramitada e aceptada.

619 818 737

902 888 999

Na devandita chamada a compañía aseguradora asinaralle un número de expediente que debера indicar no centro de urxencias do hospital para poder ser atendido e recibir asistencia sanitaria.

3) O xogador lesionado deberá cumprir esta normativa anterior e acudir ao centro concertado nun prazo máximo de **48 horas** dende a ocorrencia do accidente. No caso de excederse no dito prazo a compañía aseguradora podera negarse atender o devandito accidente.

- 4) O lesionado para poder ser atendido deberá levar a seguinte documentación:

A súa Licenza (E obrigatorio entregar a Licenza no hospital para ser atendido)

Acta do encontro (O prazo máximo e de 48 horas dende a ocorrencia da lesión)

5) No caso de que non presente algunha destas documentacións, terá que entregala no prazo máximo de **48 horas** a contar dende a hora de inicio do encontro no que resultou lesionado. No caso de non facelo o Hospital lle poderá reclamar os gastos originados polo atender.

6) No centro médico, o lesionado terá que cubrir o parte do accidente e aboar unha franquia de **50.- €**.

7) O xogador accidentado terá que desprazarse polos seus propios medios, só no caso de **urxencia vital** ou **extrema urxencia** na ambulancia.

8) O delegado do equipo no encontro, **só** en caso de **urxencia vital** ou **extrema urxencia** será o responsable de chamar a ambulancia concertada.

38 USO INDEBIDO DA ASISTENCIA MEDICO SANITARIA E DA AMBULANCIA

1) O uso indebido da asistencia médico-sanitaria para unha lesión non acaecida nesta competición **“Vigo en Xogo”** será sancionado coa **expulsión** do **infractor** e do **responsable** do equipo de **dúas a catro** tempadas.

2) No caso de que se faga un uso irregular da **ambulancia** (o accidentado non sufriu lesións de **urxencia vital** ou de **extrema urxencia**), o accidentado ou seu equipo terá que facerse cargo do seu pagamento. No caso de negarse a aboar estes gastos, o equipo e todos os seus integrantes serán **expulsados** da competición de **unha a dúas** tempadas. Para que poidan volver a xogar se lles aplicara no seu caso o **artigo 1, apartado 1.3 c).**

39 PÓLIZA DE RESPONSABILIDADE CIVIL

Tomador do Seguro	Agrupación Deportiva Vigo - Poliza N° 037924034
Duración	Dende o 01-10-2017 ata o 30-09-2018
Compañía Aseguradora	ALLIANZ Compañía de Seguros y Reaseguros, S.A.
	Teléfono 902 300 186
Mediador do seguro	AFIS SABADELL CORRED D ASEGURANCES S.L
	Teléfono, para consultas 937 173 300

Sumas aseguradas e Franquicias:

Interes Asegurado	Suma asegurado por Sinistro	Suma asegurado por duración	Limite por victima
Explotación	600.000	600.00	300.000.-
Inmobiliaria	600.000	600.00	300.000.-
Locativa	120.000.-	120.000.-	
Subsidiaria	600.000.-	600.000.-	300.000.-
Cruzada	600.000.-	600.000.-	60.000

Interes Asegurado	Franquicia fija
Explotación	200
Inmobiliaria	200.-
Locativa	200.-
Subsidiaria	200.-

Limite Global Conxunto

O limite global conxunto de Prestacions do Asegurador para todo tipo de responsabilidades será o seguinte:

1 Por sinistro	600.000.-
2 Pola duración do seguro	600.000.-

40 DISPOSICIÓN DERRADEIRA

A “Agrupación Deportiva Vigo”, como organizadora da competición “VIGO EN XOGO”, resérvase o dereito de modificar durante a tempada estas normas e regulamento co fin de acadar un mellor desenvolvemento da competición.

PRACTICA O XOGO LIMPO

XOGA PARA DIVERTIRTE E PASALO BEN

Esta competición recreativa non federada **“VIGO EN XOGO”** non se debe rexer só polas vitorias ou polos trofeos; gañar non debe ser a única finalidade. Busca na competición outros valores. O máis importante debe ser participar baixo o principio fundamental de respetar e promover sempre o espírito deportivo do **“Xogo Limpo”**.

Esta competición naceu para:

Os que aman o deporte.

Manter ou mellorar a saúde a través do deporte.

A práctica da actividade física como hábito saudable.

Impulsar a función integradora e de conexión social a través do deporte.

Fomentar a convivencia entre todos os participantes. Xogar por xogar e o que debe prevalecer nesta competición **“Vigo en Xogo”**.

Por iso:

Práctica sempre o **XOGO LIMPO**, respectando a árbitros, oficiais de mesa e opoñentes.

Non te obsesiones coa vitoria. O deporte é unha actividade para divertirse e mellorar fisicamente.

Non culpes dos teus erros aos teus compañeiros. Errar é humano, pero o que non é humano é culpar dos teus erros a outros.

Sae a xogar para pasar un rato agradable e divertirse cos teus compañeiros e cos opoñentes; é moito mellor que saír a xogar só para gañar.

Atopa novas amizades e amigos xogando. Os resultados pasan, pero os amigos perduran.

Trata a todos con equidade, sen facer distincións da súa cor, raza ou orixe.

Trata aos teus compañeiros e aos opoñentes de forma amigable e cordial, da mesma forma que quixeras ser tratado.

Pensa que non todo vale. O deporte non é un xogo a vida ou morte.

Non xogues con lume (non fagas entradas violentas ou moi duras). É moi perigoso para os teus opoñentes.

Non queimes a ninguén; pensa que unha vez comezado un incendio é moi difícil de apagar.

Pensa que perder ou gañar non están reñidos con pasalo ben e disfrutar do xogo.

Anima aos teus compañeiros a participar nobremente e a practicar o xogo limpo.

Non procedas de tal xeito que te poidas avergoñar de ti mesmo.

Xoga polo pracer de xogar e non de gañar.

Ás veces gañase, ás veces pérdese; a clave é xogar e pasalo ben, sin importar estar enriba ou debaixo.

Non fagas trampas nin xogues deslealmente co fin de gañar.

Ten un comportamento comedido e de respecto cara aos teus opoñentes.

Acepta as vitorias con naturalidade e as derrotas sen acritude.

Sé un bo deportista: aplaude todas as boas xogadas independentemente de quen as realice; é un bo estímulo para todos os xogadores, sexan ou non do teu equipo.

Pensa que na mesa e no xogo coñécese o cabaleiro.

Potencia o xogo limpo e a deportividade co teu exemplo, contribuíndo desa forma á eliminación de situacións de violencia tanto física como verbal.

Controla o teu carácter, non xesticules e non teñas unha actitude violenta xogando.

Esta é unha competición para pasalo ben e disfrutar; pensa que ao rematar o encontro os teus opoñentes teñen que cumprir coas súas obrigas persoais. Procura non mancar a ninguén.

Recorda que o propósito do xogo é a diversión, mellorar as destrezas e sentirte ben.

Moitas veces é moi difícil xogar nobremente se só pensas en gañar a calquer prezo.

Recorda que só se trata dun xogo e os xogos non teñen sentido se non se xoga limpo.

Os contrarios non son teus inimigos; non fagas de cada encontro unha batalla.

O respecto cara aos teus adversarios forma parte do partido.

Non discutas durante o encontro nin cos teus compañeiros de equipo, nin cos teus opoñentes.

O encontro é un xogo no que ambos equipos poden gañar, pero tamén poden perder.

Non respondas nunca ás provocacións do contrario.

Se o equipo contrario é moi inferior, non o despreces nin te asañes con el.

Os encontros se gañan ou se perden no terreo de xogo; non fagas reclamacións posteriores.

As regras de xogo son sinxelas e doadas de aprender; se non as coñeces non protestes as decisións do árbitro.

Respetas sempre as decisións do teu delegado.

Non protestes se te cambian por outro xogador; é un menosprezo ao compañeiro que te substitúe.

Non fagas entradas por detrás, son moi perigosas. Un gol pódese remontar, unha lesión non.

Facer un novo amigo do equipo opoñente mentres estás xogando é unha virtude.

Evita chocar co porteiro; é preferible non conseguir un gol a lesionalo.

Nón hai peor xogador que aquel que non fai caso das advertencias dos seus compañeiros sobre o seu mal comportamento xogando.

No caso de recibir unha entrada dura, acepta as desculpas do rival se estas se producen.

Respecta aos teus opoñentes e saúdaos deportivamente tanto se gañas como se perdes.

Os árbitros están no terreo de xogo para manter a orde e o xogo limpo; axúdaos no seu labor e compórtate con educación cando te dirixas a eles.

O labor do árbitro e o do oficial de mesa xa é difícil de por si; colabora evitando pór en dúbida o seu labor.

Non lle pidas nunca ao árbitro que lle mostre tarxeta a un contrario.

Procura non discutir as decisións do árbitro; pensa que ten que tomar unha decisión nuns segundos e, dependendo de onde estea situado, pode ter outra visión do xogo diferente á túa.

O mantemento e coidado das instalacións deportivas depende de todos nós; respéctaa e procura deixalas como quixeses atopalas ao chegar. Non deixes nada tirado nas instalacións; pensa que despois de ti irán outras persoas a utilizalas.

Os espectadores deberán colaborar na consolidación dos valores expostos anteriormente a través do respecto aos participantes, árbitros, oficiais de mesa e, sobre todo, ao equipo contrario.

Coopera cos teus compañeiros, opoñentes e árbitros, pois sen eles non podería ser posible xogar.

Os comités e os árbitros son necesarios para manter a orde; intenta axudar e non destruír.

A organización ten que atender, ademais de ao voso, a moitos mais equipos; respecta o seu funcionamento.

Para mellorar o funcionamento da competición hai canles para achegar as vosas ideas.

PRINCIPIOS BASICOS DE CONVIVENCIA

¿Chegaches?
Saúda

¿Vaste?
Despidete

¿Prometiches?
Cumpre

¿Amas?
Demostrao

¿Non entendes?
Pregunta

¿Recibiches un favor?
Agradéceo

¿Ofendiches?
Pide desculpas

¿Ensuciaches?
Limpao

¿Non vas axudar?
Non estorbes

¿Non che pertence?
Non o collas

¿Tes?
Comparte

¿Non tes?
Non envexes

¿Non sabes se é certo?
Non o divulgues

¿Rompiches?
Arránxao

¿Non o sabes facer mellor?
Non critiques e colabora

**¿Gustariache que se comportasen dunha determinada maneira contigo?
Compórtate así ti tamen cos demais**

A Organización



CONCELLO
DE VIGO



“VIGO EN XOGO”

COMPETICIÓN DEPORTIVAS E RECREATIVAS NON FEDERADAS



vide



//ABANCA

VIGO, terreo de xogo

Vivimos nunha cidade fermosa